

MADAMU A RE NA MITWE

 Kha ri rabele. Murena, zwino ri a tenda. Ri tenda kha Murwa wa Mudzimu, nahone, nga uhu, ri ḥanganedza Vhutshilo Vhu Sa Fheli Ngae. Zwino ro kuvhangana hafhu, masiari ano, kana madekwana a ɻamusi, u itela iñwe tshumelo, ri tshi U fulufhela siani la Mulaedza na kha zwine Wa ñ do ri vhudza zwone madekwana a ɻamusi. Ri a U tenda, Murena, nahone ri lindela Iwe. Huno Wo ri, "Vhane vha lindela Murena vha ñ do wana nungo dzavho ntswa; vha ñ do fhufha nga phapha sa goni." Huno ri a rabela, Mudzimu, zwauri U ñ do ri nea ayo Maanda a u fhufha, madekwana a ɻamusi, ri tshi Ú lindela.

² Ri a U livhuwa nga avha vhathe, na nga zwine vha amba zwone kha Iwe na zwine vha amba zwone kha nñe. Ndi a U livhuwa ngazwo, Khotsi. Ndi vhone nungu Dzau. Huno ndi a rabela, Mudzimu, uri madekwana a ɻamusi, U ñ do Divhonadza nga ndila ine, khavho, ya vha ine vha i ḥoda. Arali hu na vhalwadze fhano, nga vha fhodzwe. Arali hu na thimothimo thalukanyoni ya muñwe; i bvise, Murena. Huno itou ri nea Vhuhone Hau na phaṭhutshedzo Dzau, ngauri ri a dzi ḥoda, Murena. Iwe u washu o-edanaho tshothe. Nahone, nga nn̄da ha Iwe, ri nga si kone u ita tshithu.

³ Ri rabela uri U ñ do ḥanganedza ndivhuwo yashu kha zwe the zwe Wa ita. Nga Dzina la Yesu Kristo ri lavhelela phaṭhutshedzo Dzau. Amene.

Ni nga dzula.

⁴ Huno, zwe ralo, hu tou ro—rotholelanyana vhusiku ha ino Swondaha, ngomu hafha, u fhira zwe ha vha hu zwone vhusiku ha Swondaha yo fhiraho. Ri liyhuwa nga maanda vhakomana vhashu vho shumaho nga u fulufheda vha maanda kha u dzenisa hezwi. Ndi ḫivha vhavhili kana vhararu vhavho. Mukomana Mike Egan, sa izwo ndi tshi vhona murahu afho, nahone ndi... Mukomana Mike, na Mukomana Sothmann, Mukomana (ndi a tenda) Roy Roberson, na Mukomana Woods, na avho vhothe, vho vha vhe ngeno vha tshi khou tou bva mabiko, vha tshi khou lingedza u zwi dzenisa uri ri kone u vha na yu Mulaedza zwino, kana ɻamusi. Ngauralo, ri a livhuwa.

⁵ Zwino, Swondaha i tevhelaho nga matsheloni, Murena a tshi funa, ndi ḥodou vha na tshumelo ya phodzo, thabelo dza vhalwadze. Huno ri ñ do i ḥalusa sa tshumelo ya phodzo, arali Murena a tshi funa.

⁶ Ndo dzhiela nzhele, ano matsheloni, hu na buto la dzisagaduku hafha. Ndo dzi rabelela. Huno nñe, musi ni tshi khou rabela nahone ni tshi khou imba, ndo rabelela dzisagaduku; huno zwenezwo hu na zwinzhinyana hafha

madekwana a ḥamusi. Ngauralo, ri—ri tenda uri Mudzimu u fhodza vhalwadze. Hu na vhūtanzi vhunzhi nga maanda vhuhulwane ha phodzo vhukati hashu, na shangoni lōthe, huno hezwi ri a zwi livhuwa.

⁷ Huno ndo elekanya, Swondaha i tevhelaho, ngauri ndi tea u tuwanyana, huno ro vha ro farelela nga maanda kha pfunzo fhedzi nahone ya Mulaedza, zwe nda elekanya ūri zwi do vha zwavhuđi arali ro vha na tshu—tshumelo ya phodzo, ro rabelela vhalwadze. Huno ri fulufhela uri Mudzimu u do ri nea tshifhinga tshavhuđi.

⁸ Zwino, vhunzhi hanu ni tea u reila maela nnzhi madekwana a ḥamusi. Ngauralo ndo vha ndi tshi khou amba na zwigwada hāngei kha—kha Blue Boar Khefitheria, ḥamusi, he nda vha ndi tshi khou swīṭula. Vhathu vhanzhi vhavhuđi, ndi tea u vha khađa nahone nda amba navho, vhatu ndi sa athu ṭangana navho, vha daho ngeno tshivhidzoni. Huno ndi a livhuwa khonani dzo rāloho, nahone ndi ṭoda u livhuwa muñwe na muñwe wa vhoinwi. Vhañwe vhavho vho fula thungulu, huno vha ri ḫela nadzo. Huno muñwe o ri ḫela na bakete la sirapu, kana sirapu i bvaho tshugelani, ndi a tenda yo vha i yone, na—na zwithu fhedzi. A ni ḫivhi zwine izwo zwa amba. Huno nga matsheloni, ndi a vuwa nahone nda bva nduni, nga tshiriwe tshifhinga hu...

⁹ Nga mañwe matsheloni ho vha hu na muñwe mukomana heneffo we a vha o ṭahalelwā vhukuma, a si na zwiambaro na zwithu, a ṭoda uri nee ndi ye u mu wanela zwiambaro. Nda takutshedza, huno nda ṭodou khukhulwa nga bakete la thungulu lō dzulaho heneffo. Nda ri, “Naa no qisa idzi thungulu?”

¹⁰ Huno a ri, “Hai, na kathihi a tho ngo vha na mushumo nazwo. Ndo vha fhano li sa athu ṭavha, huno vho vha vho dzula heneffha nga itsho tshifhinga.” Huno ho vha hu Mukomana Ruddell wanga wavhuđi we a nndisela dzone. Huno, ngauralo, izwo zwithu hu si na na u timatima ndi a zwi takalela.

¹¹ Billy Paul u kha di bvou mmbudza, zwikhathi zwi si gathi zwe fhiraho, uri kha itshi tshivhidzo madekwana a ḥamusi, vho dzhia munikelo, vha tshi itela nee. Ndi—ndi a ni livhuwa kha hezwo. A tho ngo ṭoda ni tshi zwi ita hezwo. Ndi—ndi tou takalela u ḫidina ha vhoinwi, na zwiñwe-vho, fhedzi izwo zwe vha zwi songo tea. Huno, fhedzi, Murena a ni fhatutshedze. Ni a ḫivha, ni a ḫivha, Bivhili yo ri, “U swika heneffo he na zwi itela muñku wa avha, no zwi itela Nne.”

¹² Zwino, ndo vha ndi tshi khou amba na vhoinwi, nga Mulaedza, ndo livhanyisa nga maanda. Huno ndi...Vhañwe vhathu vha nga di zwi dzhia uri—uri ndi elekanya uri Yesu u do da nga matsheloni kana madekwana a ḥamusi. Ndi ralo. Zwino, a thi khou ri U do ralo. Huno, hafhu, A nga di si de vhege i daho, huno hu nga di vha ñwakani, hu nga di vha miñwaha ya fumi. A

thi divhi uri U khou da lini. Fhedzi, hu na tshithu tshithihi tshire nda toda u... tshifhinga tshothe inwi ni zwi elelwe, inwi ni dzule no lugà muniti muñwe na muñwe kana awara. Ni a vhona? Uri, arali A sa di ñamusi, A nga di vha fhano matshelo. Ngauralo itonu zwi elelwa hezwo, zwauri U khou da.

¹³ Huno a thi divhi tshifhinga tshire tsha do vha awara yanga ya u fhedzisela kha ili lifhasi, a hu na na muthihi washu. Huno a hu na na muthihi washu a no divha uri U da lini. Ha vhuyi a divha, Ene mune, nga Maipfi A Ene mune; O ri, "Khotsi, e eþhe, u a divha uri U do da lini; na ene Murwa ha divhi uri U do da lini." Ndi musi Mudzimu a tshi Mu rumela hafhu kha riþe. Fhedzi ri toda U Da Hawe. Huno arali A sa di kha murafho wanga, A nga di da kha u tevhelaho; arali A sa di kha uyo muñwe, U do da kha u tevhelaho. Fhedzi, kha nne, a thi koni u vhona na tshifhinga tsho salaho. Ndi tou... Kha nne, zwi nga itea muniti muñwe na muñwe. Zwino, izwo a zwi ambi... Izwo a zwi ambi, zwino, uri ni do vhona maþadulu a tshi shanduka na tshiñwe na tshiñwe... Uho a si hone U Da hune nda khou amba nga hawo. Ndi khou amba nga ha U Takulelwa Taðulu.

¹⁴ Ni a vhona, U ita U Da huraru. U da nga madzina a vharwa vhararu. U da nga vhuraruthihi; Khotsi, Murwa, Muya Mukhethwa. Ni a vhona, zwe ndi Kristo onoyo muthihi, Mudzimu onoyo muthihi, tshifhinga tshothe. Zwino, ri a divha uri U da u ðisa mishumo miraru ya tshilidzi; u itwa o lugaho, vhukhethwa, ndovhedzo ya Muya Mukhethwa. Tshiñwe na tshiñwe, kha Mudzimu, tshi khunyeledzwa nga zwiraru.

¹⁵ Huno ngauralo U da, lwa u thoma, u rengulula Muselwa Wawe. U da, lwa vhuvhili, sa U Takulelwa Taðulu, u dzhia Muselwa Wawe. U da, lwa vhuraru, e na Muselwa Wawe, Khosi na Khosikadzi; nga murahu, ndi wone musi une vhathe vhanzhi vha khou lavhelela U Da.

Fhedzi musi A tshi da nga tshino tshifhinga, a hu nga vhuyi ha vha na muthihi nga nda ha avho vho ðilugisaho vha no do divha musi A tshi da. Hu do tou vha na u sa vha hone ha vhathe. A vha nga divhi zwe zwa bvelela khavho. Vha do tou tuswa, nga tshifhinganyana, huno vha do tou wanala vha si tsha vhonala. "Vho shandukiswa nga tshifhinganyana, nga u poidza ha ito." Ngauralo itonu ðilugisela hezwo. Zwi do ofhisia nga maiwe matsheloni u wana mufunwa a sa vhonali, hu si na ane a nga vha wana. A zwi nga do vha zwe vhifhesaho u divha uri ho no di fhira huno inwi no hu humpha? Ngauralo itonu dzula phanða ha Mudzimu.

¹⁶ Zwino, vhege i tevhelaho, Murena a tshi funa, Musumbuluwo u tevhelaho, u bva kha vhege u bva Musumbuluwo uno, arali Mudzimu a tshi funa, ndi khou humisela muþa nnða ngei Arizona hune vha ya tshikoloni, zwenezwo ndi—ndi a vhuya.

¹⁷ Zwino, a thi yi hangei nnda... A thi na tshumelo dza u vha ngomu hangei nnda. A thi anzeli u vha Arizona. Ndi vha ndo ya huiwe-vho. Ndi bvisa mufumakadzi hangei nnda, Musumbuluwo u tevhelaho. Ndi khou dovha nda vhuya fhano. Ndi do ṭuwa ndi fhano nda ya British Columbia. Ndi vhuya Colorado. Ndi do dovha nda vha Arizona tshiñwe tshifhinga tsini na Khushumusi, lwa miniti i si gathi fhedzi, lwa tshikhathi tshilapfu lwo eðanaho... khamusi maðuvha mavhili kana mararu, nda kuvhanganya muña, nda vhuya nga holodeni dza Khushumusi, Murena a tshi funa, nda vha na tshumelo ya vhege ya ñwaha muswa fhano.

¹⁸ Ngauralo zwenezwo ndi fhano, zwavhuðivhudí, kanzhi. Ndi fhano kafumi u fhira hangei nnda, ngauri a ri na tshivhidzo kana dziñwe tshumelo hangei nnda, a hu na tshire ra vha natsho hangei nnda, ngauralo, nga ñdila ya tshumelo ya tshivhidzo. Itsho ndi tshithu tshithihi tsho vhifhaho nga hazwo. A thi na fhethu hune ndi nga rumela vhana vhane vha do pfa uyu Mulaedza, u fana na vhana vhañu vha tshi da u u pfa fhano, huno—huno ngauralo uyo ndi mulandu muthihi une ra vha nawo. Fhedzi vhothe vha na mutakalo u fhirisa. Ndi kilima yo omaho, i fhisaho, yo omaho, fhedzi vhana vhothe vha vhonala vho takala u fhirisa. A thiho afho tshifhinga tshilapfu lwo eðanaho u ðivha uri hu na mutakalo kana a hu na mutakalo. Nñe, ndi dzula ndi tshi khou tshimbila, huno ndi—ndi—ndi a humbulela uri ndo tou bebwa ndi mutshimbili.

¹⁹ Mufumakadzi wanga u mmbidza... Ndi a ðivha uri u fhano, ngauralo heli ndi do li wana nga murahu ha tshivhidzo, noþhe ni a ðivha. Iyo i vhidzwani, mimuya i sudzuluwaho, kana mimuya i sa dziki, kana zwiñwe na zwiñwe—zwiñwe na zwiñwe, ni a ðivha, mimuya i sudzuluwaho? Kana, tshifhinga tshoþhe ndi dzula ndi tshi khou tshimbila, nga mañwe maipfi. Huno zwino ndo no malwa, miñwaha ya fumbilimbili, huno nga tshiñwe tshifhinga ndi elekanya uri ndi mutsinda hayani, ngauri ndi tshi tea u vha ndi tshi khou tshimbila.

Fhedzi ndi khou ṭoda tshifhinga tshire ra do digeda kha Shango la haya liñwe ðuvha. Fhedzi zwino nndwa i kati, ngauralo kha ri vhe thabeloni.

²⁰ Ni songo hangwa, Swondaha i tevhelaho nga matsheloni, Murena a tshi funa, disani vhalwadze vhañu na vha ðupheaho. Idani nga u ðavhanya, ni wane fhethu hanu, huno hu na khonadzeo ya uri hu na tshigwada tshi no tea u rabelelwa. Ri do tea u kovha garaþa dza thabelo. Arali hu si na dzo eðanaho, a ri nga kovhi garaþa dza thabelo, dzo edanaho u ita muduba muþuku u no nga dazeni mbili kana ðharu, kana tshiñwe tshithu. Fhedzi hu na khonadzeo ya uri ri—ri do kovha garaþa dza thabelo, ngauralo hu na khonadzeo ya urî ri do zwi ita i tshi ṭodou vha awara phanda ha tshumelo yo ðoweleaho, ine

nda elekanya uri i dzhia... I do vha malo, malo kana hafu u bva kha malo, vha do kovha garata dza thabelo; vha vula kereke, vha kovha garata dza thabelo Swondaha i daho nga matsheloni. Huno zwenezwo ivhani na ngoho ya uri ni vha fhano u itela yanu... Disani vhafunwa vhaqnu, vha dzheniseni ngomu heneffho. Hu do vha havhuđi nahone ha rotholela ngomu kerekene, arali vha tshi lwala, nahone ri do ita tshiñwe na tshiñwe tshire ra kona u vha rabelela.

²¹ Ndi a ni livhuwa, hafhu, nga munikelo wa lufuno.

²² Huno zwino ri khou yo vhala zwiñwe zwa Ipfi la Mudzimu, madekwana a ñamusi, huno ra dilugisela hetshi tshiwo tsha Vhuhone Hawe hafhu u ri disela Ipfi Lawe. Zwino, ri a ñivha uri ri nga vhala liñwalwa, fhedzi Mudzimu u tea u dzumbulula mwongo. Ni a vthona? Ri nga dzhia liñwalwa, fhedzi Mudzimu u tea u dzumbulula mwongo. Huno musi zwino ni tshi ya Buguni ya Yeremia, ndima ya 2.

²³ Ndi todou amba uri ndi takalela u vha, na riñe, ha Mukomana Lee Vayle, mukomana wa ndeme Murenani. Huno ndi elekanya uri fhano, mukomana fhano, a thi koni u humbula dzina lawe, Mukomana Willard Crase. Huno ndo vthona vhakomana vha bvaho Arkansas, Mukomana John na avho, vha bvaho u mona na Poplar Bluff, na Mukomana Blair. Huno, oo, Mukomana Jackson, na Mukomana Ruddell, na vhanzhi nga maanda vhane ndi—ndi sa tou kona... Ndi tama ndo vha ndi tshi nga vhidza dzina la muñwe na muñwe, fhedzi a thi tou kona u zwi ita, huno ni a pfesesa. Mukomana Ben Bryant, ndi mu vthona o dzula hafha; kanzhi ndi ene khuđa yanga ya amene musi ndi... Muñwe na muñwe u ñivha Ben nga ipfi lawe. Uh-huh.

²⁴ Riñe, ro dzula California nga tshiñwe tshifhinga, ndo vha ndi tshi khou rerela vhathe vha Baphuthisi Mulaedza govhani. Vho vha vhe na dennde khulu heneffho, na vhusnzi ha Vhabaphuthisi vha no tou nga vho tondweswa. Na kathihi a tho ngo pfa “amene” i tshi bva huñwe fhethu; ni a ñivha, ndi tshi ofha uri vhñwe vha vhasadzi vha do kwatula pennde i re kha tshifhauwo tshavho. Huno zwenezwo, tshithu tsha u thoma tshire na tshi ñivha, ndo vthona phere ya milenzhe i no todou nga heyo, i tshi ya ntha mayani, na zwanda zwihulu zwivhili, na mayhudzi matswu a tshi khou dzinginyea heneffho, hu tshi khou tavhiwa mukosi, “Amene,” hu tshi khou zhambiwa nga u ralo. Huno nda sedza fhasi, nda ri, “Ben, no vha ni tshi bvafhi?” Zwa vhukuma o vha a tshi khou wana “amene.”

²⁵ Ndi vthona mufumakadzi wawe a tshi khou mu sedza, zwiłukunyana. Ndi zwone, u khou xelewka zwiłuku zwa ayo mavhudzi matswu, fhedzi hezwo zwe luga, ni a ñivha. Ni songo vhilaela nga hezwo. Ndo ralo, anga, tshifhinga tshilapfu tsho fhiraho.

Ngauralo, zwino, ni songo hangwa u rabela.

²⁶ Zwino musi ri tshi ya kha sia la vhukuma la tshumelo, elelwani, arali ri tshi vhala ili Ipfi, zwenezwo Mudzimu u do fhatutshedza Ipfi Lawe. "A Li nga vhuyi fhedzi kha Ene, fhedzi Li do khunyeledza izwo zwe La rumelwa zwone." Huno ndi a divha, nga u vhala Ipfi, ndi do dzula ndi kha ngoho tshifhinga tshothe. Musi ndi tshi vhala Ipfi, Mudzimu u do hulisa Ipfi Lawe.

²⁷ Zwino kha ri ime ri tshi thonifha Ipfi Lawe. Yeremia, ndima ya 2, ndimana ya 12 na ya 13 ya Yeremia 2.

Tshenuwani, Oo...mañadulu, nga izwi, nahone ni ofhe lu shushaho, ni ḥungufhałe nga maanda, MURENA u ralo.

Ngauri vhathu vhanga vho ita vhuvhi vhuvhili; vho ḥutshela nne tshisima tsha mađi a tshilaho, huno vho dibwela madamu, madamu a re na mitwe, a sa koni... a nga si fare madi.

Kha ri kotamise zwifhačuwo zwashu zwino.

²⁸ Mudzimu a funwaho, Ipfi Lau lo vhaliwa. Huno ri rabela uri U do hulisa ilo Ipfi huno madekwana a namusi wa ri nea tshifanyiso kana mbambedzo Yatsho; musi ri tshi sedza kha mađuvha o fhiraho, Israele, sa dzitsumbo, vhunga Bivhili i tshi ri funza izwo ri kona u vhona zwe Wa zwi ita khavho musi vho thetshesela Ipfi, ra vhona zwe Wa zwi ita khavho musi vho nyadza Ipfi, nahone ra guda zwine ra fanelu u ita. Ngauralo, ri rabela uri U do amba na rine madekwana a namusi nga ndila ya tshipentshela nga maanda, uri ri divhe uri ri tea u difara hani kha ili ḫuvha, le ra guda matsheloni ano uri ri khou tshila khalo. Ngauri ri zwi humbela Dzinani la Yesu. Amene.

Ni nga dzula.

²⁹ Madekwana a namusi ndi ḥodou amba nga ha thoho, lwa tshi–tshifhinganyana fhedzi nga ha: *Madamu A Re Na Mitwe*.

³⁰ Israele o ita vhuvhi vhuvhili vhuhulwane. Mudzimu o ri vho Mu furalela, Tshisima tsha Vhutshilo, huno vho no dibwela madamu ane vha do nwa khao. Zwino, itsho ndi tshiňwe tshithu.

³¹ Tsho itisaho uri ndi humbule nga ha heli liňwalwa ho vha ngauri ilo li do vhambedzwa na zwe nda vha ndi tshi khou amba matsheloni ano, nga ha awara ine ra khou tshila khayo, na Tshipikwa tshine ra khou kakarikela tshone.

³² Huno ri sedza kha Israele sa tsumbo, ya uri, zwe Mudzimu a vha e zwone, U tea u dzula o ralo tshifhinga tshothe. Huno hu na tshithu tshithihi fhedzi tshe Mudzimu a vhuya a tshi hulisa, itsho tsho vha tshi, ndila Yawe ye A ḥekedza vhathu. Huno musi vho bva kha iyo ndila, zwenezwo Mudzimu a vha o nyadziwa, huno Mudzimu a ita uri vhathu uri vha tambule nga nthani ha u ḥutshela zwe A vha vhudza uri vha zwi ite, hu sa londwi zwe zwa vha zwi zwone.

O vha nea na mulayo, “U songo kwama, u songo fara, u songo thetshela.” Hu si nga nthani ha vhuvhi ha u zwi ita, fhedzi vhuvhi ha u nyadza zwe A ri itani. Huno tshifhinga tshothe hu nga si kone u vha na mulayo hu si na thamu ya mulayo. Ngauri, arali hu si na thamu, zwenezwo, mulayo a u tou vha wa ndeme nga maanda arali u si na tshigwevho. Mulayo!

³³ Zwino, ri wana, zwe vha ita nga ilo ḋuvha zwi vhonala zwi tshi vhambedzea na zwine ra khou ita namusi, zwine vhathe vha tshivhidzo vha khou ita.

³⁴ Zwino hafha ri vhona tshithu tshisili. Tshi nga di vha tshisili kha vhañwe vhathe, musi O ri, “No, vho, ḋibwela madamu, madamu a re na mitwe.” Zwino, khamusi vhañwe vha vhoinwi a ni ḋivhi uri damu ndi mini. Ndi vhangana vha no ḋivha uri damu ndi mini? Zwo luga, vhangana vha no ḋivha uri damu ndi mini. Ndi a elelwa uri ndo no nwa zwikhokhonono zwo edanaho kha liñwe, u—u ḋivha zwe da—damu la vha li zwone.

Ndo rera nn̄da shangoni he, ngadeni ya zwiri, he na vha ni tshi do vha na mvuvhelo khulu yo dalaho mađi a damu heneffo, a bvaho kha mvu—mvula, ni a ḋivha, huno o tou vha a kale zwiñuku. Huno—huno zwenezwo zwikhokhonono, tshifhingani tsha vhusiku, zwo vha zwi tshi dzhena ngomu khayo. Huno ngauralo ndi ḋivha zwine mađi a damu a vha zwone.

³⁵ Da—damu ndi fhe—fhethe, tshithu tshi no gwiwa mavuni, u dzhia vhuimo ha tshidzivha. Hune vhathe vha si vhe na tshidzivha, zwenezwo vha wana da—damu. Nga mañwe maipfi, damu ndi thannga lo itwaho nga muthu kana tshidzivha tsho itwaho nga muthu mavuni, tshe muthu a gwa, u fasha mađi, u—u a shumisa. Vhañwe vhavho vha a shumisa sa mađi a u tanzwa, huno vhañwe vha a shumisa sa mađi a u nwa, na ndila yo fhambanaho, khamusi. Tshiñwe tshifhinga mađi othe, e ra vha ri tshi anzela u a wana, o vha e kha damu. Ro vha ri tshi anzela u vha na tshithu tsha kale tshire na tea u tshi wainda, tsha mona, tsha mona, tsha mona, uri mađi a gonye; ri na mabakete mañku khaļo, u bommba mađi a tshi bva kha damu.

³⁶ Zwo ralo, ri dzhiela nzhele tshithu tshithihi nga ha damu lo fhambanaho na tshidzivha. Zwino, damu li do xa. Da—da—damu a li koni u diđadza. Lone li—li... A li fulufhedzisi. Ni nga si fulufhele damu. Li tea u fulufhela nahone la ḋitika nga mvula dzine dza na tshilimo kana vhuriha, iñwe na iñwe ine ya vha yone u... Kanzhi, tshifhingani tsha vhuriha musi mahada na mvula zwi tshi da, zwenezwo zwi gidimisela mađi ngomu ha damu. Huno arali li sa wani ayo mađi, zwenezwo inwi—inwi a ni na mađi. Lothe li—lothe li... li a oma. Huno li nga si diđadze hafhu. Damu la kale a li koni u diđadza hafhu. Li wana u ḋadzwa halo kha mvu—mvula dzine dza na.

³⁷ Huno ndi ṭoda ni tshi dzhiela nzhele tshiñwe tshithu nga ha damu. Kanzhi, ni wana, kana nga ndila ye ḥa vha li ngayo fhethu hashu, damu... Kanzhi ḫulu li na vhuhulu ha nn̄du kavhili, huno kanzhi vha vulela mađi a bva ḫuluni, a ya kha damu. Ndi elelwa liña damu ja kale zwavhudì ngei nn̄da, musi o no... musi phai—phaiphi dza muelelo dži tshi a gidimisela ngomu, na dzone-vho, a tshi bva ḫuluni. Li ḫadzwa nga a bvaho ḫuluni.

Ngauralo zwenezwo mađi a hwalwa u bva kha ḫanga ya ḫulu; hune, phukha dzothe dži kandaho dzharañani ya tshitale, na tshika yothe ya dzharaña ya tshitale ya dzula n̄tha ha ḫulu, zwifhingani zwa musi ho oma. Huno zwenezwo mađi a a da nahone a i ḫanzwa yothe i tshi bva kha ḫanga, ya dzhena kha mukungwa wo itwaho nga muthu, zwenezwo ya dzhena kha mulomo wo itwaho nga muthu, zwenezwo ya dzhena kha damu lo itwaho nga muthu. Huno arali ni si na tshika, a thi divhi tshine na vha natsho, musi ni na damu. Ee, muñe wanga! Lothe lo itwa nga muthu, huno li tshi tou vha ja tshika u ya nga hune ja vha ngaho.

³⁸ Ni a divha, ro vha ri tshi anzela u vhidza... Ro vha ri na dzadza ja u sefa kha liñwe. No vhuya na zwi divha zwe ilo ja vha li zwone? Ro do tea u vhea dzadza ja u sefa khalo, u fasha zwikhokhonono zwothe na zwithu zwine zwa bva n̄tha ha ḫu—dulu, na u mona fhethu hothe, huno a shuluwa a tshi bva huñwe fhethu a ya huñwe, ngomu ha damu. Huno ro vha ri tshi anzela u vhea dza—dzadza ja u sefa khalo, u fasha lu—luvhemba lwothe lwa tshika na zwithu zwe ra kona. A hu na zwiñwe, heļo lo vha li si nga fashi tshika vhukuma, lo tou fasha misaele khulu dzine dza da phasi nahone dza wela ngomu halo. Tshikhokhonono tshi nga di wela ngomu halo, fhedzi sama ja tshikhokhonono lo ḫuwa na mađi. Ngauralo, vhukuma no—no vha ni na tshika musi no vha ni na damu ja kale ja tshika.

³⁹ Nga mađuvha a si gathi, ni litsha ayo mađi a ima heneffo, huno a mbo litsha u elela. Inwi na litsha mađi a ima ngomu ha damu, a litsha u elela. Huno li ḫala nga—nga zwidula, na dzitswina, na dzinowa. Huno ro vha ri tshi anzela u zwi vhidza “mabuluvhulu,” maṭukunyana... A thi divhi arali... A si one nzulatshinya, a tou vha... A thi koni, a thi divhi zwine na do a vhidza zwone. Fhedzi tshiñwe tshithu tshiñku tshi dzhena madini, itsho—itsho ro tshi vhidza buluvhulu. Ni a divha zwine ja vha zwone. Ndi vhangana vha no divha tshine nda khou amba nga hatsho? Oo, mulandu, ngoho, vhoiñwi vhathe vha shango nothe ni a divha. Li ḫala tshothe nga u sa elela, huno zwenezwo havha vhafuni vha u sa elela vha da nao. Zwavhudivhuđi a sokou da, ngauri a li tsha elela. Huno ngauri a li tsha elela, a kokodzela phukha heneffo ine ya takalela zwithu zwi sa eleli.

⁴⁰ Huno izwo zwothe zwi fana na zwivhidzo zwashu ñamusi. Ndi elekanya uri ro ḫutshela... Tshithihi tsha zwivhi zwihulwane zwe tshivhidzo tsha ita ñamusi, u tou fana na

Israele tshifhingani tshīla, yo Mu ḥutshela, Tshisima tsha Mađi a tshilaho, huno vho dībwela madamu o itwaho nga muthū. Huno hu vha vhudzulo ha tshīnwe na tshīnwe tshi no funa ulwo lushaka lwa mađi. Dzitswina, zwiđula, na tshakha dzothē dza zwitzhili zwa tshika, zwi dzula ngomu haļo, ngauri ndi thannga lo itwaho nga muthu. Huno ngomu ha heli thannga izwi zwitħu zwi a dzula, tsumbo yo fhelelaho ya vhadinomineisheni ɻamusi.

⁴¹ “Zwino,” inwi ni ri, “Mukomana Branham, ndi ngani ni tshi rwa avho vhathu nga maanda?”

I fanela u rwiwa. I tea u rwiwa. I shavheni, ngauri i do fhedzisela nga u sika luswayo lwa ɻivhanda. Elelwani, iyo ndi Ngoho! I do vha luswayo lwa ɻivhanda. Dinomineisheni i do khadela heneffo khaļo. I ndilani yalwo henehafho zwino, u kombetshedza, nga maanda.

⁴² Sedzani muvhusoni wa kale wa Roma. Izwo ndi zwone kokotolo zwe zwa vha khadela kha ulwo luswayo lwa u shandukela lutendo. Inwi no wana uri a hu na muthu we a kona u renga kana u rengisa a si na luswayo lwa ɻivhanda. O do tea u vha nalwo.

⁴³ Hu na kiļasi mbili fhedzi dza vhathu dici no do vha hone kha ɻifhasi; avho vha re na Luswayo lwa Mudzimu, na avho vha re na luswayo lwa ɻivhanda. Ndi kiļasi mbili fhedzi, ngauralo ni do tea u vha na nthihi kana iñwe. I do vha u shandukela lutendo, lu—luswayo lwa—lwa vhurereli, vhurereli ho shandukelaho lutendo.

⁴⁴ Huno vhu do vha na tshifanyiso tsha ɻivhanda. Ri tshi khou di guda, ri wana uri Roma yo vha i, ndi, nahone tshifhinga tshothē i do vha, luswa—...kana, ɻivhanda. Kokotolo. A hu na ndila ya u zwi wana uri ndi tshīnwe tshithu-vho. Roma!

⁴⁵ Huno ndi mini tshe Roma ya ita? Yo rembuluswa u bva kha Roma ya tshihedeni u ya kha Roma ya mupapa, huno ya dzudzanya sisteme, sisteme ya shango lothe, ye ya kombetshedza muiwe na muiwe kha uvho vhurereli vhuthihi kana a vhulawa.

⁴⁶ Huno ndi tshithu tshisili tshire ili United States la vhonala vhuponi, nahone li nga ngwana. Huno ngwana i na ɻanga mbili thukhu, pfanelo dza lushaka na zwa vhuwuweleli. Huno nga murahu ha tshifhinganyana, musi ilo lo vha li ngwana, ri wana uri lo mbo amba vhunga ɻragonni nahone la shumisa maanda othe e ɻragonni la vha li nao phanda haļo. Huno Bivhili i ri vhudza zwauri vho ri, “Kha ri ite tshifanyiso tsha ɻivhanda.” Tshifanyiso ndi tshīnwe tshithu tshi no nga tshīnwe tshithu-vho. Huno zwa zwino ri kona u zwi vhona uri, kha nyimele yatsho ya u shandukela lutendo, tshivhidzo tshi khou vhumba Khoro ya ɻifhasi ya Dzigereke, ine ya vha tshifanyiso kha maanda a Roma; huno i do kombetshedza

vhatu zwenezwo zwithihi zwe Roma ya tshihedeni ya ita... kana Roma ya mupapa ya ita. Ngauralo, a hu na iñwe ndila, a hu na tshiñwe tshithu. Fhedzi iyo ndi Ngoho.

⁴⁷ Huno ndi ngazwo ndi tshi lwa nayo kha tshikhathi tshanga, kha tshifhinga tshanga, ngauri i tea u lwiwa nayo. Mbidzo i a dzhena, u, "Ibvani khalo, vhatu Vhanga, uri ni sa do vha na mukovhe kha zwivhi zwalo!"

⁴⁸ Zwino, izwo ndi zwi fanyisa na aya madamu a re na tshika, o tshikafhalaho. "Ndi Ene Tshisima tsha Vhutshilo. Ndi Ene Mađi a tshilaho." Huno vhatu Ayo vha a a ṭutshela, huno vha digwela madamu ane a kona u fasha tshika fhedzi. Itsho ndi tshone tshithu tshi tshothe tshine li nga fasha. Huno izwo ndi zwine vhudinomineisheni ha ita; vhu fasha tshiñwe na tshiñwe tshi no da nahone tsha ḥoda u vha murado. Vha a funa u tshi dzenisa arali tshi na tshelede kana tshi tshi kona u ambara nga iñwe ndila. A hu londwi uri ndi vhonnyi, hune vha bva hone, vha a vha dzhia, naho two ralo.

⁴⁹ Zwino ri wana, hafhu, uri, holu luswayo lwa livhanda two sikiwaho fhano. Amerika, li dzhia, nomboro ya fumiraru. Lo bebwā li na koloni dza fumiraru. Lo vha na fulaha ye ya vha i na ɣaledzi dza fumiraru, mitalo ya fumiraru. Huno i dovha ya bvelela kha Dzinzumbululo ndima ya 13. Huno tshifhinga tshothe Amerika lo vha musadzi, o imelwaho kha mangwende ashu. Na ḥoho ya Muindia, kha peni, ndi tshifanyiso tsha tshifhaṭuwo tsha musadzi. Izwo ri a zwi divha, ri divha divhazwakale yazwo. Tshiñwe na tshiñwe, Liberty Bell, na tshiñwe na tshiñwe-vho, mbofholowo... Statue of Liberty ndi, tshiñwe na tshiñwe, musadzi. Musadzi; nomboro ya fumiraru. Ni a vhona? Zwino, two-zwo naka u vhona izwo zwithu.

⁵⁰ Huno zwino ndo bula nga nzumbululo i bvaho ha Mudzimu, kana bono nga 1933, zwauri zwithu zwa sumbe zwi do bvelela tshifhinga tsha vhufhelo tshi sa athu swika. Na zwauri, muthihi wavho, uyo "Mussolini," we nga itsho tshifhinga a vha a tshi khou vha muvhusawoga, "u do vha muvhusawoga. Huno, nahone, u do dzenela linwe shango nahone a tsela Ethiopia, huno a dzhia la Ethiopia. Huno Muya, Wo ri, 'U do kundwa.'"

⁵¹ Ndi mangala uri hu kha di vha na muñwe wa vhakale o salaho thaberenakeleni, nnyelélweni ndi tshi zwi amba Holoni ya Redman hafha phasi musi ro rera, minwaha minzhi, minzhi yo fhiraho. Naa hu na muthihi a re ngomu ha tshifhaṭo, madekwana a ɣamusi, we a sala a bvaho ngei Holoni ya Redman ya kale musi ndi tshi zwi rera izwo, musi vho no bvisela N.R.A. nn̄da, murahu henengei tshifhingani tsha u vhusa lwa u thoma ha Roosevelt? Ndi a humbulela a hu na na muthihi ngomu hafha. Naa u hone muthihi? Iina, iina, muthihi,

muthihi ngoyo. Ee, Vho-Mme Wilson, ndi a vha elelwa. Mufumakadzi wanga, o dzula murahu. Vhavhili vho ṭuwa, vha tshi bva kha murafho wa kale wa avho nga ilo ḫuvha.

Hezwo, musi vha tshi ri N.R.A. ndi luswayo lwa livhanda, ndo ri, "A hu na tshithu khayo; na luthihi. Luswayo lwa livhanda a lu di ngeno. Lu bva Roma. Huno i nga si vhe luswayo lwa livhanda."

⁵² Huno zwino elelwani uri izwi zwithu zwo ambiwa. Ho pfi, "Adolph Hitler u do da magumoni a sa pfesesei. Huno u do todou thoma nndwa na United States. Huno vha do fhaṭa tshithu tshihulwane—tshi—tshihulwane tsha khonkhiriti, tshire vha do vhuya vha dzula ngomu hatsho. Huno henehafho Vhaamerika vha rwiwa lu ofhisaho, khatsho." Huno ho vha hu luvhondo lwa Siegfried, miñwaha ya sumbe lu sa athu vhuya lwa thoñwa u fhaṭiwa. Huno zwenezwo ha pfi, "Fhedzi u do da magumoni; huno States li do kunda nndwani."

⁵³ Huno zwenezwo ha ambiwa, uri, "Hu na sisteme tharu; Nazism, fascism, na vhukomunisi." Huno nda ri, "Dzothe dici do milwa nga vhukomunisi. Russia i do dici dzhia dzothe, kha vhukomunisi."

⁵⁴ Huno nda ri, "Zwenezwo saintsi i khou do vha khulwane nga maanda, muthu u khou do ḫalifha nga maanda, u swika a tshi do tumbula zwithu zwinzhi nga maanda u swika a tshi do ita modorokara u no nga gumba, une wa do vha na tshi no nga ngilasi nga n̄tha hawo, nahone u do langwa nga maiwe maanda nga nnda ha tshiñdiravelo." Huno iyo goloi vha nayo.

⁵⁵ Huno nda ri, "Zwenezwo mikhwa yavhudi ya vhasadzi vhashu i khou do wela kha zwithu zwa phasi, u swika vha tshi do vha ḫonni kha tshakha dzothe. Vha khou do ambara zwiambaro zwa munna. Vha khou do dzula vha tshi bvula zwiambaro zwavho u swika zwavhuñvhudi vha tshi tsa vhunga vho ambara zwiambaro zwavho zwa nga ngomu, ndi zwenezwo fhedzi. Huno, mafhedziseloni, vha do da vha ambara tari fhedzi la muhuyu."

Huno arali ni tshi dzhiela nzhele, kha magazini wa *Life* wa ñwedzi wo fhiraho, vho vha vhe na musadzi we a vha o ambara maṭari a muhuyu. Huno iyo ndi rokho ntswa ya nga madekwana, kana gaweni, line vha ambara la nga madekwana; li a vhonadza, ni nga vhonha nga khalo, maṭari a muhuyu fhedzi a tou dzumba tshiñwe tshipida tsha muvhili wawe; e na swuthu dza u bambela dici si na mabannda, kana bannda, dici songo vhofhiwaho, nga n̄tha hadzo, muvhili wo fukulwaho. Huno nga ndila ye izwo zwithu zwa bvelela!

⁵⁶ Zwenezwo nda ri, "Ndo vhonha musadzi a tshi takuwa kha la United States, a tshi tou nga khosikadzi khulu kana tshiñwe

tshithu. Huno o vha a tshi vhonala o naka, fhedzi e muvhimbiluni yawe. Huno o ita uri lushaka lu dzhie liga, lu tshimbile nga liga lawe.”

⁵⁷ Zwenezwo nda ri, “Mafhedziselon, A mmbudza uri ndi sedze murahu Vhubvađuvha hafhu. Huno, musi ndo ralo, nda vhona, hu tshi vhonala unga, sa zwe zwa vha zwi zwone, shango lo thuthuba. Huno u swika he nda kona u vhona, ho vha hu si na tshithu nga nda ha vhūtasana, na—na matombo a nyengaho o thuthubiswaho a bva kha lifhasi.”

Huno izwi zwe do tea u bvelela vhufhelo ha shango vhu sa athu da. Huno zwitānu zwa zwa sumbe zwe no di bvelela, nga minwaha ya furaruraru. Khezwo, murahu kha tshifhinga tsha vhufhelo!

⁵⁸ Huno ndo mbo di amba ndi tshi lwa na iyo sisteme ya dinomineisheni. Huno ndi kha di tenda, madekwana a namusi, uri ndi tivha ja tshika, uri ndi fhethu hune tshika ya gidimela ngomu. A thi tendi uri Mudzimu u do vhuya a dzhia tshithu tsho raloho Tshividzoni Tshawe, ngauri tshi tea u bebwa nga Muya wa Mudzimu huno zwenezwo tsha ḥanzwiwa tshi sa athu vhidzwa Tshawe. Muvhili u mangadzaho wa Kristo, ri lovchedzelwa ngomu Hawo nga ndovhedzo ya Muya Mukhethwa.

⁵⁹ Ee, hu si na na u timatima iyi sisteme ya damu ndi tsumbo yo fhelelaho ya dinomineisheni. Munna o ḥalifhaho u tea u sedza, huno na kathihi a si dzhene khayo, ngauri Mudzimu o sumbedza kha zwikhathi uri U lwa nayo nahone na kathihi ho ngo shuma nayo. Tshigwada tshiñwe na tshiñwe... Tshifhinga tshiñwe na tshiñwe munna o bvelela na mulaedza, vhunga Luther, Wesley, kana muñwe, na Smith, na Calvin, na vhone; musi vha tshi thoma dzangano, Mudzimu o vhea itsho tshithu kha raga nahone na kathihi a si tsha tshi dalela hafhu nga mvuseledzo.

⁶⁰ Sedzani kha divhazwakale. Na kathihi a ho ngo vha na tshifhinga tshe Mudzimu a vhuya a dzhia dinomineisheni, a ita mvuseledzo ngayo, a hu na na fhetu na huthihi. Zwenezwo, nga divhazwakale na nga Bivhili, hu a sumba uri ndi tshithu tsho tshikafhalaho mañoni a Mudzimu, ngauralo a thi ḥodi u vha na mushumo natsho. Huno ndi ngazwo ndi tshi lwa nayo. Ndi khou lingedza u bvisa vhatu khayo.

⁶¹ Ro rambiya, vhunga kha la Israele, ngauralo zwe ralo na zwino, u sedza kha Israele u itela u wana dzitsumbo. Vhone, musi vho di dzula na itsho Tshisima, vho vha vho luga tshothe. Fhedzi musi vha tshi swika kha u dibwela madamu, sisteme dzo itwaho nga muthu, zwenezwo Mudzimu a vha tutshela tshothe-tshothe. U do ri ita zwe raloho. “Vho Mu furalela, Tshisima tsha Madj a tshilaho.” Idzo dzo vha dzi mbilaelo dze Mudzimu a vha e nadzo ngavho. “U ita tshiñwe tshithu tshe vha vha vha tshi do ri, ‘Ni a vhona zwe ra ita!’”

⁶² Zwino, musi nga tshifhinga tsha u—u enda ha Mushe; musi Mudzimu, nga tshilidzi, o no vha nea muporofita, o no vha nea Khavhu ya Mulilo uri i vha range phanda, o no di I khwathisedza nga zwiga na zwimangadzo. Tshilidzi tsho nekedza izwi zwithu zweithe. Israele yo vha i tshi kha di ḥoda, yo vhona mulayo. Vho hana tshilidzi, u dzhia mulayo.

Izwo zwi tou vha kokotolo zwine vhathu vha ita ḥamusi. Vha hana Ipfi, u dzhia sisteme ya dinomineisheni, ngauri ngomu khayo vha a kona u ita tshire vha ḥoda u tshi ita huno vha ya phanda natsho. Fhedzi ni nga si zwi ite kha Kristo! Ni tea u vha o kunaho nahone o dzudzanyeho, uri ni vhe kha Kristo.

⁶³ Hu tshi tutshelwa tshidzivha tsho vhoriwaho, ha iwa kha sisteme yo itwaho nga muthu kana damu, ni nga humbulela muñwe a tshi ita izwo? Ni nga humbulela nyimele dza muhumbulo dza muthu ane a nga nwa kha tshidzivha tshiswa tsho vhoriwaho, huno a tshi tutshela a ya kha damu lo itwaho nga muthu li re na zwidula, na dzitswina, na mabuluvhulu, na tshiñwe na tshiñwe-vho ngomu haļo?

Thalukanyoni a zwi vhuyi zwa vhonala zwi zwone, fhedzi izwo zwi tou vha kokotolo zwe vhathu vha ita. Vho tutshela Ipfi, Tshisima tsha ngoho tsha tshiko tsha Mudzimu na Maanda, u nwa kha madamu, na u diitela madamu. U fana na zwe vha ita tshifhingani itsho, na zwino vho zwi ita. Vha ri . . .

O ri, “Vho Ntutshela.” Hafha O ri, hafha kha Yeremia 2:14, kana 13, ndi ḥodou ralo. O ri, “Vho Ntutshela, Tshisima tsha Madi a tshilaho.”

⁶⁴ Zwino, ri vhona zwine damu la vha zwone. Ri vhona zwine la fasha. Ri vhona uri li itwa hani. Ndi tshitihu tsho itwaho nga muthu tshi no bva kha thanga yo tshikafhalaho. Mađi a no wela fhasi, a rwa kha thanga yo tshikafhalaho, huno a tanzwa thanga fhedzi, a a tsitsa nga mukungwa wo itwaho nga muthu, nga mulomo wo itwaho nga muthu, ngomu ha thannga yo itwaho nga muthu. Huno tshika yothe i kuvhangana ngomu heneffo, huno zwi—zwitzhili, na dzitswina, na zwidula, na zwithu zwa shango, nga u ralo. Huno, dzhielani nzhele, dzi tou vha phukha dici songo kunaho; mabuluvhulu, hu sa eleli. Buluvhulu a li koni u dzula mađini o kunaho. Arali la ralo, a do li vhulaha. Li tea u vha hu sa eleli.

⁶⁵ Huno zwo tou ralo malugana na vhunzhi ha idzi nzulatshinya ḥamusi. Inwi ni nga si kone u tshila mađini maswa a Muya Mukhethwa. Ndi ngazwo vho khwathha nga maanda kha u lwa na Ipfi, huno vha ri, “Li a Dihanedza. A hu na tshitihu KHALO.” Ndi nga nthani ha urī vha tea u vha na lushaka lwa tivha li sa eleli uri vha ye ngei na ngei ngomu haļo. Ndi zwone.

Zwo tou ralo na kha zwidula, na dzitswina, na mabuluvhulu, na zwi no nga zwenezwo. Zwi tea u da kha

luṇweṇwe kana tivha li sa eleli, u tshila, ngauri ndi kudzulele kwazwo u tshila heneffo. Huno ni nga si shandukise phukha u swika ni tshi shandukisa kudzulele kwayo.

Huno ni nga si kone u ita uri muthu a vhone Ipfi la Mudzimu u swika kudzulele kwawe kwo no shandukiswa; huno musi kudzulele kwawe ku tshi shandukiswa kha zwine a vha zwone, kha u vha murwa wa Mudzimu, na Muya Mukhethwa u dzhena ngomu hawe. Muya Mukhethwa wo ḥwala Ipfi la Mudzimu!

⁶⁶ Namusi ndo vha ndi tshi khou amba na khonani yanga yavhudī, Dokotela Lee Vayle, ane a vha hone zwino. Huno ndi mudivhi vhukuma wa theolodzhi, huno ngauralo kanzhi ri vha na ḥziṅwe—vha na ḥziṅwe therisano dzavhuḍi nga maanda nga ha Luṇwalo. O thanya nga maanda.

Huno nga tshiṅwe tshifhinga o mmbudzisa zwe nda elekanya nga ha vhūtanzi ha u ranga ha Muya Mukhethwa, “Naa ho vha hu u amba nga dzindimi?” Ho no fhela miṅwaha minzhi.

Nda ri, “Hai; thi zwi vhoni izwo.”

A ri, “Na nne a thi zwi vhoni,” a ri, “naho ndo funzwa zwenezwo.” A ri, “Naa ndi mini tshire na ḥo elekanya uri tshi ḥo vha vhūtanzi?”

⁶⁷ Nda ri, “Vhūtanzi ho fhelelaho tshoṭhe vhune ndi nga vhu elekanya ndi lufuno.” Huno ngauralo ḥo ḥo swika kha u amba nga hazwo.

Huno zwenezwo nda elekanya uri izwo zwi pfala zwi zwavhuḍi nga maanda ngauralo nda tou zwi kwambatela, “Arali muthu e na lufuno.”

Fhedzi liṅwe ḫuvha Murena, nga bono, a nnyonyolosa. Huno A amba, zwauri, “Vhūtanzi ha Muya ho vha vhu avho vhe vha kona u ḫanganedza Ipfi,” a si lufuno, kana u amba nga dzindimi, fhedzi ndi u ḫanganedza Ipfi.

⁶⁸ Huno zwenezwo Dokotela Vayle o vha a tshi khou mmbudza, uri, “Izwo ndi zwa Luṇwalo,” a ri, “ngauri, kha Yohane 14, Yesu o ri, ‘Musi Wone Muya Mukhethwa wo tsela kha inwi, U ḥo dzumbulula izwi zwithu kha inwi, zwe Nda ni funza, nahone u ḥo ni sumbedza zwithu zwi no ḥo ḫa.’”

Ngauralo ngo ho vhūtanzi vhukuma ha Muya Mukhethwa! Na kathihi ha athu mmbudza tshiṅwe tshithu tsho khakheaho lini. Izwo, “Ndi vhūtanzi ha Muya Mukhethwa, ndi uyo ane a nga tenda Ipfi.” Ni nga U ḫanganedza.

Ngauri, na kathihi Yesu ho ngo ri, “Musi Muya Mukhethwa wo no ḫa, ni ḥo amba nga dzindimi.” Na kathihi ho ngo ri, Muya Mukhethwa wo no ḫa, ni ḥo ita tshiṅwe tsha izwo zwithu. Fhedzi O ri, “U ḥo dzhia izwi zwithu Zwanga huno

a ni sumbedza zwone, nahone u do ni sumbedza zwithu zwi no do da.” Ngauralo ngoho vhučanzi vhukumakuma ha Muya Mukhethwa, u ya nga Yesu Ene muñe.

⁶⁹ Ngauralo masengenedzele haya othe na zwithu zwine vhathe vha nazwo na zwine vha kha di tshila ngazwo, ni nga zwi vhona uri ndi ngani vha tshi zwi ita. Vhonani, i vha dinomineisheni, kana tivha li sa eleli, huno na kathihi hu nga si vhe na dinomineisheni yo itwaho kha li songo fhele-... Ipfi la Mudzimu lo fhelelaho. I nga si zwi ite, ngauri ni nga si rine kana na dinomineitha Mudzimu. Hai, muñe wanga!

⁷⁰ Tshiiitisu ndi uri, ni wana tshivhalonyana tsha vhathe vhanie vha kona u tenda Ipfi, na vha litsha vha thoma dzangano. Tshithu tsha u thoma tshine na divha, nga tshifhinga tsha nwaha hu na tshivhalonyana tsha Rickies ngomu heneffo tshine ni si nga iti tshithu ngatsho. Vho farelela, huno ni nga si ite tshithu ngazwo. A si sisteme ya Mudzimu. A si yone, ngauralo ri a divha uri itsho tshithu tsho bva. Tshi vha damu, nahone tshi vha fhethe hune munwe na munwe a do tendelana na *itshi*, *itsho*, kana *tshinwe*, u dzhenisa mirado ngomu heneffo, kana u tendela vhathe u dzhenha.

⁷¹ Ri wanulusa uri, iyi sisteme yo thoma nga tshinwe tshifhinga, murahu kha mađuvha a Vhaisraele, musi vho vha vha tshi gwa aya madamu. Huno ho vha hu na munna na tshivhalonyana tsha Vhafarisei vhe vha vha vho gwa madamu. Huno vho vha vhe na munna a no pfi Herode, huno e mudivhadzi, muvhusi wa shango.

Huno u da u pfa munna we a si shumisane na dinomineisheni dzavho. O vha e muporofita. Huno a hu na muporofita we a vhuya a vha na mushumo na dinomineisheni, nga nnda ha u i vhenga. Hoyu muporofita u thoma u ri, “Ni songo thoma u amba ngomu hañu, ‘Ri na Abrahamu sa khotsi ashu,’ ngauri ndi a ni vhudza uri Mudzimu u a kona u vusela Abrahamu vhana nga matombo haya.”

⁷² Huno vha bvisa muhulisei uri a mu pfe. Huno uyu muhulisei o vha o dzhie murathu wawe mufumakadzi, huno a mu mala. Huno uyo munna we a bva o mu livha o ri mini? Vho elekanya uri u do tendelana navho, huno a ri, “Zwino, muñe wanga, vhone, vhone vha na tshidzulo tshavhudzi nga *ngeno*. Huno vha tea u...Ndo takala nga maanda ngauri vha fhano u mpfa ñamusi.”

Yohane o tou ya o mu livha, huno a ri, “A two ngo tendelwa nga mulayo uri u mu dzhie.” Tsha u tou thoma-thoma tshe a amba, o mu kaidzela tshivhi tshawe o sinyuwa.

⁷³ Vhonani, dinomineisheni dici ita mativha a sa eleli hune munna a nga dzula na vhasadzi, huno avho vhasadzi vha

nga bvela phanđa, huno vha t̄unya mavhudzi avho, nahone vha ambara dzishothi, na tshinwe na tshinwe-vho, huno vha divhidza Vhakriste.

Fhedzi Tshisima tsha vhukumakuma, haleluya, tsha Maanda a Mudzimu, tshi nga si dzule afho, ngauri A a tshi sukumedzela nn̄da. “Ndi n̄ne Tshisima tsha Madi a tshilaho. Vho Ntutshela, u digwela madamu.”

⁷⁴ Zwino, tshisima tsha mađi a tshilaho, ri a wanulusa, tshisima tsha mađi a tshilaho ndi mini? Ri a wanulusa zwine damu la vha zwone, zwino tshisima tsha mađi a tshilaho ndi mini? Ndi tshidzivha tsho vhoriwaho.

“Tshidzivha tsho vhoriwaho, ndi mini itsho, Mukomana Branham?”

Ndi tshidzivha tshine tsha bva fhasi tshifhinga tshothe nahone tsha sukumedzela mađi atsho nn̄da. Tshi elela tshifhinga tshothe. Tshi a ditika tshone tshinę. Tshi dzula tshi tshiswa nahone tsho kuna, tshidzivha tsho vhoriwaho, tshisima tsha mađi a tshilaho. A tsho ngo fa nahone tsha si tsha elela. Tshi a tshila, tshi dzulela u shanduka, tshi tshi disa tshinwe tshithu tshiswa tshifhinga tshothe, tshi tshi bvela phanda, tshi tshi bva kha zwithusedzi zwatsho. Tshi wana zwithusedzi zwatsho kha–kha bede yatsho, ine ya vha...tshi kha di vha tshisima tsha mađi a tshilaho a sisimaho. Tshi a dikunakisa; ndi mađi o kunaho, o tambaho, o kunaho. Tshi a ditika tshone tshinę; a ni tei u lindela dzimvula u dadza thanngā yatsho. Tshi bwobwołela tshifhinga tshothe, tshi nea mađi atsho nga fhedzi. A ni tei u tshi bommba, u tshi wainda, u tshi sombekanya, kana u vha murađo watsho. Tshi tou vha tshisima tsha mađi a tshilaho.

⁷⁵ Ni a divha, ni dzhia aya madamu a kale, na tea u a waindela na a waindela na a waindela, na bommba na tshinwe na tshinwe, u bvisa mađuku a ayo mađi a sa eleli. Huh!

Fhedzi Tshisima tsha Madi a tshilaho tshi a A nekedzela nn̄da, nga fhedzi, hu si na u bommba, u vha murađo, tshinwe tshithu-vho. Oo, ndi takalela itsho Tshisima! Ee, muñe wanga!

⁷⁶ A tshi ḥodi galatshane Khatsho, u bvisela dzinzulatshinya nn̄da. Ngauri, Tshi bva fhasi-fhasi, henengei Tomboni, u swika hu si tshe na dzinzulatshinya henengei.

A tshi tei u vha na dzadza la pfunzo lo nembelelaho Khatsho, izwo ndi zwone, inwe sisteme yo itwaho nga lwa shango ya vhuđali ha dinomineisheni yo itwaho nga muthu; u ni vhudza, phanđa ha n̄anga ya muhumbulo, uri kana ni a kona u rera kana hai. A tshi na linwe la ayo madzadza o tshikafhalaho lo nembelelaho Khatsho. Tshi do li sukumedzela kule zwenezwo ni tshi tou li vhea heneffo n̄tha. Ni nga si zwi ite. Itsho tshidzivha tshi a bwobwołela, tshifhinga tshothe. No

vha ni tshi do vhea lithihi la ayo madzadza khatsho, tsha li posa thwii kha sia lithihi kana liñwe. A tshi na tshifhinga tsha u vha na dzadza la dinomineisheni khatsho.

⁷⁷ A tshi todi sefo lini, galatshane lini, u bommbiwa lini, u khwidwa lini, tshiñwe-vho lini. Tshi tou vha heneffo, tshi tshi bwobwoṭela. A tshi tei u ditika nga mvula dza heneffo u tshi dadza. *Dzimvula* ndi “dzimvuseledzo,” hune itsho Tshisima... Afho ndi kha itsho Tshisima tsha Vhutshilo. “Hune Mutumbu wa vha hone, maanga a do kuvhangana.” A ni tei u bommba mvuseledzo; a ni tei u bommba na tshithu na tshithihi. Tshithu fhedzi tshine na tea u ita ndi u tou da kha Tshisima. Tsho ḫala madi avhudí tshifhinga tshoṭhe, maswa, nahone a hu na magumo Khatsho. Tshi tou dzula tshi tshi bwobwoṭela.

⁷⁸ A ni tei u ya kha damu, huno na ri, “Zwo luga, arali i tshi na huno ya tanzwa ḫulu, ri do vha na tshiñwe tshithu tsha u nwiwa.” Ni a vhona? Nnenne, nnenne! Hu si hetshi. Itsho tshidzivha tsho vhoriwaho tshi khou gubunya madi avhudí, a rotholaho tshifhinga tshoṭhe. Ni nga tshi ditika ngatsho. A ni tei u ri, “Zwo luga, ndi do ya kha ili damu la kale. Ro vha ri tshi anzela u nwa khaļo, fhedzi a yo ngo nela ngomu lwa tshifhinga tshilapfu. Ndi a ni vhudza, li nga kha di vha lo oma.”

⁷⁹ Iyo ndi ndila ine dziñwe dza idzi sisteme dzo itwaho nga muthu dza vha ngayo. Ni nga dzhena, arali ni na tshiñwe tshithu tshihulu tshi no khou bvelela, puloto khulu ya tshimbevha ya u rengisa tshiñwe tshithu, kana—kana luñwe lushaka lwa tshiñwe tshithu tshi no khou bvela phanda, zwimima zwihiulu na zwithu zwi no khou bvelela, mitambo ya vhufhura, na zwimima kha basimennde, na tshiñwe na tshiñwe, ni nga di wana nnđu yo ḫala.

Fhedzi hune na ya hune itsho Tshisima tsha bwobwoṭela, tshifhinga tshoṭhe, vhatu vha heneffo vha khou wana madi avhudí, a rotholaho a u nwa. Ni nga ditika Ngatsho! Ni ri, “A who ngo vha na mvuseledzo lwa miñwaha ya fumi.” Arali ni tshi tshila nga itsho Tshisima, Tshi na mvuseledzo i no khou bvela phanda tshifhinga tshoṭhe.

⁸⁰ Vhunga Muwelishi muṭuku o amba. Kana, nga tshiñwe tshifhinga musi vhe na mvuseledzo ya Welishi i no khou bvela phanda, ho vha hu na vhahulisei vha bvaho kha la States. Mañwe a haya Madokotela a Saints Ya Zwikhethwa mahulu o ya ngei Wales, u wanulusa uri ngafhi na zwine izwi zwothe zwa vha zwi nga hazwo. Ngauralo who vha who ambara kholoro dzavho dzo moniswaho, na miñadzi yavho milapfu ya siliga, nahone vha tshi khou tsa nga tshiṭaraṭa.

Huno hafha hu da pholisa lituku, li tshi khou monisa mugophi waļo muṭuku wa kale tshandani tshaļo, li tshi khou

lidza mulodzi, “Henengei tshifhambanoni he Mutshidzi wanga a fa, henengei u itela u ḥanzwiwa kha tshivhi he nda hu lila; henengei Malofha o ḥodzwa kha mbilu yanga, vhugala kha Dzina Ławę,” a tshi khou tsa nga tshiṭaraṭa.

Ngauralo vha ri, “Hoyu u vhonala e munna wa vhurereli. Ri ḥo ya ra mu vhudzisa.”

Huno vha ri, “Murena!”

Ha pfi, “Ee, muṇe wanga?”

A ri, “Ri fhano ri tshi bva kha ḥa United States. Ri vhurumelwa. Ri ḥa hangeno u ḥodisisa mvuseledzo ya Welishi, i no sokou vhidzwa nga u ralo. Ri Madokotela a Saintsi Ya Zwikhethwa, huno ri fhano u i ḥola.” A ri, “Ri ḥodou ḥivha hune mvuseledzo ya vha hone, na he ya farwa.”

A ri, “Muṇe wanga, no swika. Ndi nne mvuseledzo ya Welishi.” Amene! “Mvuseledzo ya Welishi i kha nne. Hafha ndi hone hune ya vha hone.”

⁸¹ Iyo ndi ndila ine zwa vha ngayo musi ni tshi tshila nga itsho Tshisima tsha Madi a tshilaho. Tshi tshila tshifhinga tshoṭhe, tshi tshi bwobwoṭela hafhu na hafhu, na hafhu na hafhu. A hu na magumo Khatsho. A si, “Tshimbilani u vhona arali maṇiwe madi, arali hu si kale-kale ro vha na mvula ngeno,” izwo a si zwone. Ndi itsho Tshisima tsha Madi a tshilaho. Sa izwo ndi tshi amba, Tshi ḥea Madi Atsho nga fhedzi.

⁸² A ni tei u vhea madzadza Khatsho, u wanulusa; maṇiwe madzadza a pfunzo, phanda ha musi ni tshi nga mu rumela nn̄da u rera, huno na vhona arali a tshi peleṭa maipfi awe nga ndila yone, a tshi a amba nga ndila yone, arali a tshi shumisa madzina na masala awe, na zwiṇwe-vho, na maṭaluli. Vhanzhi vhavho a vha vhuyi vha ḥivha zwine vha vha zwone, fhedzi u tshila kha Tshisima nga u tou ralo, ni a vhona, two tou ralo.

⁸³ A tshi tei u ditika nga mvula dza hayani, u tshi dadza, kana mvuselezo dza ḥayani, u itela tshone. A tshi tei u ita hezwo, ngauri Maanda atsho na u ḥamba hatsho zwi ngomu ha tshone tshiṇe. Afho ndi hune Ipfi ḥa vha hone, Maanda a Łone Łine! Musi muthu a tshi kona u Łi ḥanganedza mbiluni yawe, Łi na u ḥamba Halo. Łi na maanda Alo. Ngomu ha Ipfi Łone Łine, hu bva Vhutshilo.

⁸⁴ Israele yo ḥo Łi ḥutshela, vha ḥa vha dzhena khakhathini. Tshifhinga tshoṭhe vho Łi ḥutshela, vho dzhena khakhathini.

Zwi a fana na zwine ra ita zwino. Musi mvuseledzo i tshi Łi ḥutshela, zwenezwo a si yavhudı. I digwela zwidzivha, nahone, kana madamu a sa eleli, huno ngeyo i a ya.

⁸⁵ Fhedzi O vha thusa tshifhinga tshoṭhe. U gungula kha Lwanzhe Lutswuku, zwenezwo musi vho gungula... Naho two ralo, kha hezwo zweṭhe, O no fulufhedzisa, o vha fulufhedzisa.

O vha o tea u vha o vha humisela murahu henehafhała, nga ndila ye ra vha ri tshi do zwi sedza; fhedzi O vha o no fulufhedzisa u vha isa henengei.

O ita mini? Avho vhana vha Israele, O vha nea Khavhu ya Mulilo na tshińwe na tshińwe, u itela khwathisedzo, muporofita wavho. Huno vho vha khadela nnđa hangei lwanzheni. Huno, tshifhinga tshothe, hu na khakhathi ya u lwa Nayo. Huno hafha hu da Farao na mmbi yawe. Huno ni a divha zwe Mudzimu a ita? O tou vula ilo damu, litswuku li sa eleli.

Lwanzhe lwo Faho ndi tshithu tsho faho tshothe shangoni. Lwo fa vhukuma. A lu eleli. A hu na tshithu tshine tshi nga tshila ngomu halwo.

Huno O lu vula nahone a vha vhofholola, kha jińwe sia. O vha isa he vha sa do tea u vhoxwa nga tshithu tshi no nga itsho.

⁸⁶ Ngei sogani, vho wana uri thannga a dzo ngo kona uri hu ditikwe ngadzo; o vha o oma. Vho wanulusa, vha bva kha mulindi muthihi wa madi vha ya kha muńwe. Musi vho vha vhe sogani, vho vha vha tshi khou sika tshothe, nga u ḥoda madi a u nwa. Huno vho vha vha tshi ya kha iyi thannga nga hangeno, kutivha; lo vha lo xa. Vha ya huńwe fhethu; ha vha ho xa. A vho ngo tou kona u elekanya uri vha do vhuya vha wana tshinwiwa.

Huno zwenezwo kha fhethu hu songo humbulelwaho tshothe kha soga lothe, vha wana madi. O vha e ngomu ha tombo. O vha e ngomu ha tombo. Fhethu hu songo humbulelwaho tshothe uri muthu a nga wana madi, a do vha ngomu ha tombo lo omaho vhukati ha soga. Fhedzi, ni a vhona, Mudzimu u a ita zwithu nga u tou ralo. Fhethu hu sa humbulewi tshothe, nga ndila i songo doweleaho tshothe. Izwo ndi zwe ra vha nazwo tshifhinga tshothe.

⁸⁷ Vha elekanya uri ni tea u vha na vhadinomineisheni vhahulu, fhethu huthihi, huno na ita uri vha de fhethu huthihi nahone ha vha na u gaya huhulu henefho, na zwińwe-vho, nahone na wana vha zwigidi vha no do nea tshumisano, na zwothe nga ndila iyi, u vha na mvuseledzo.

Tshińwe tshifhinga Mudzimu u dzhia muthu mułuku o aluwaho ane a sa divhe na ABC dzawé, nahone vhukati tshothe ha tshivhalonyana tsha vhatu vha songo funzwaho vhane vha sa divhe u fhambanya tshanda tsha u la kha tsha monde, A nga vusa mvuseledzo ine ya do dzinginyisa shango. O zwi ita tshifhingani tsha Yohane. O no zwi ita tshifhingani tsha vhaporofita. A hu na na muthihi wavho, sa zwine ra divha, we a vhuya a funzea, fhedzi Mudzimu o kona u vha dzhia nahone a ita tshińwe tshithu ngavho.

⁸⁸ Kha ili Tombo ho bva madi. O vha e Tombo. Huno O laela ili Tombo, huno u fanela u rwiwa. Huno O nekedza ndalo ya

madi o tambaho, maswa, o kunaho kha muñwe na muñwe a no do nwa. O tshidza vhothe vhe vha do nwa Khało. Mbambedzo yo fhelelaho na Yohane 3:16.

...Mudzimu o funa shango zwingafhangafha, zwe a nekedza Murwa wawe mubebwa-e-ethe, ...muñwe na muñwe a no tenda kha ene a si lovhe, fhedzi a vhe na vhutshilo ha lini na lini,

⁸⁹ Mudzimu o rwa ilo Tombo, kha Khalivari. Khałhulo yashu yo vha i Khae, uri Khae hu de Muya wa Vhutshilo u no do nea nne na inwi Vhutshilo Vhu Sa Fheli. Itsho ndi tshifanyiso tsho fhelelaho Tshało, henehfo sogani lino.

⁹⁰ Na kathihi a vho ngo tea u kokodza, u gwa, u bommba, kana tshiñwe na tshiñwe; vho tou vha na mukovhe kha ndila Yawe ye a i nekedza, nga fhedzi. Musi, a vho ngo vha vha tea u a gwa kha tivha. A vho ngo vha vha tea u a kokodza nga bakete. A vho ngo vha vha tea u vha na tshiwaindelo uri vha a wane gatsho. Vho do tea fhedzi u vha na mukovhe khao.

Huno ndi zwenezwo fhedzi zwi re hone zwino. A ni tei u vha murado wa tshithu. A ni tei u gwadama kha alitari nahone na ita tshiñwe tshithu, ni tshi a bommba. A ni tei u amba ipfi hafhu na hafhu na hafhu, u swika ni tshi wana ndado ya luambo. Tshi re hone fhedzi tshine na tea u ita ndi u tou vha na mukovhe Khae, nga fhedzi, ndila yo nekedzwaho nga Mudzimu. A hu na u bommba, a hu na u sukumedza, a hu na tshithu; itonu dzhia Zwało, nga fhedzi. A hu na tshine na tea u ita; itonu vha na mukovhe Khało. Izwo ndi, itonu Li tenda. Ndi zwenezwo fhedzi zwine ndi nga amba khalo.

Na kathihi a vho ngo vha vha tea u ita tshiñwe u itela one. Na kathihi a vho ngo vha vha tea u a gwa. Na kathihi a vho ngo vha vha tea u gwadama huno vha lila vhusiku hothe, u itela one. Vho tou vha na mukovhe khao; lo vha lo rwiwa nahone lo dilugisa. Ndi zwone.

⁹¹ Ndo sedza munna zwino, o dzulaho murahu lufherani fhano. Ndi a elelwa ndi tshi mu vhudza izwo, kha tshitolo tsha kale tsha dulu liñwe ćuvha, nga mukungwa.

Huno o ri, “Fhedzi a thi wavhudzi.”

⁹² Nda ri, “Ndi a divha uri a no ngo ralo.” Nahone nda ri, “A tho ngo ralo, na nne.” Fhedzi nda ri, “Ni khou sedza kha zwine na vha zwone. Huno litshani u sedza kha zwine na vha zwone, huno ni sedze kha zwine A vha zwone.”

A ri, “Arali ndo vha ndi tshi nga tou litsha idzi sigarete, Mukomana Branham, ndo—ndo—ndo vha ndi tshi do vha Mukriste.”

⁹³ Nda ri, “Ni songo dzi litsha. Ni khou lingedza u vha wavhuđi huno zwenezwo na ḋa Khae. Na kathihi ha ḋi u tshidza muthu wavhudi; U ḋa u tshidza muthu muvhī o divhaho uri ndi muvhī.”

A ri, “Zwo luga...”

Nda ri, “Thetshelesani, a ni ḫodi u ya vhudzulavhafu, ni a ḫoda?”

A ri, “Hai.”

⁹⁴ Nda ri, “Ndi zwone, a ni tei u ralo. O fa uri ni si tee u ya.”

A ri, “Ndi tshini tshine nda tea u ita?”

Nda ri, “A hu na. Zwi tou vha zwo leluwaho nga u tou ralo.”

A ri, “Fhedzi arali ndi tshi nga vhuya...”

⁹⁵ Nda ri, “Khezwo ni khou ṭuwa, murahu kha iyo sigarete hafhu. Litshani u elekanyi nga ha iyo sigarete. Itonu elelwa, elekanyani nga Hae, zwe A ita, zwine A vha zwone; hu si zwine na vha zwone. A ni wavhuđi; huno na kathihi a no ngo vhuya na ralo, nahone na kathihi a ni nga ḋo ralo. Fhedzi, zwine A vha zwone, ndi Ene Onoyo!” Huno nda ri, “Zwino, tshithu tshithihi fhedzi tshine na tea u tshi ita; arali O dzhia vhuimo hañu hangei, inwi ni tou ḫanganedza zwe A ita ni tshi zwi funa. Tshithu fhedzi tshine na tea u tshi ita ndi u tou zwi ḫanganedza.”

“Mulandu,” a ri, “izwo zwi a leluwa. Izwo ndi ḋo zwi ita.”

⁹⁶ Nda ri, “Muelela ngoyu.” Ni a vhona? Nda mu ḫisa hafha n̄tha huno nda mu lovchedza Dzinani ḥa Yesu Kristo.

Vhanwe vha vhathu vhawé vho dzula fhano, huno ndi—ndi a divha uri vho nnzhia uri a thi divhalekani nge nda ita izwo, fhedzi ndo divha zwe nda vha ndi tshi khou ita. Ngomu ha munna ndo vhona tshiñwe tshithu tshe tsha vha tshi tsha vhukumakuma. Ndo kona u tshi vhona heneffo, huno nda mu dzhia nahone nda mu lovchedza Dzinani ḥa Murena Yesu.

Huno, musi ro ita izwo, a ho ngo fhela tshifhinga tshilapfu nga murahu ha izwo u swika ndi tshi ya n̄duni ya murwa wawe. Ro vhona bo—bono ḥa muri u tshi khou vundwa huñwe fhethu, huno munna a wa, a ḫodou vunda muñodo wawe. A iswa sibadela. Huno uvho vhusiku Murena o dzumbulula, kha nñe, ha vha magumo a dzisigarete.

Ngauralo ḫuvha li tevhelaho a ḫoda dziñwe sigarete. Nda ri, “Ndi ḋo mu rengēla bogisi huno nda ḥi isa khae. Inwi itonu sedza ni vhone, mađuvha awe a dzisigarete o fhela.” U bva tsheetsho ha athu dāha na nthihi zwayo na kathihi, huno na kathihi ho ngo ḫoda na nthihi u bva tsheetsho. Mudzimu!

⁹⁷ Ni a vhona, tshithu tsha u thoma tshine na tea u tshi ita ndi u ḋa kha itsho Tshisima. Ni tea u ḋa kha ayo Madj, na

limuwa uri a hu na tshithu tshine ni nga ita. Ndi zwe A ni itela zwone. A ni tei u gwa; a ni tei u bommba; a ni tei u litsha *itshi*; a ni tei u litsha *itsho*. Tshithu fhedzi tshine na tea u ita ndi u ya henengei nahone na nwa. Ndi zwenezwo fhedzi. Arali ni na dora; inwani!

⁹⁸ Zwino, O vha e Tombo. Mudzimu o Mu rwela rine, huno O nekedza mudalo wa madi o tambaho, o kunaho. U kha di ita, namusi, kha muñwe na muñwe a no do tenda. Itshi ndi tshilidzi Tshawe, a hu na zwiñwe, kha vhathu Vhawe, rine.

⁹⁹ Hu na tshiñwe tshithu tshi no nga henengei, u fana na vhathu vha namusi, vho lugelaho u tanganedza zwine vha nga zwi wana, fhedzi vha sa todì u nea inwe tshumelo ngavhuya. Israele yo vha yo lugela u—u nwa kha tombo zwino, fhedzi a vho ngo todà u nea Mudzimu tshumelo Yawe ye ya vha yo Mu tea.

¹⁰⁰ Huno tshifhinga tshothe U ri nea tshumelo. Ni a divha, ri nga si vhuye ra fema ri si Nae. Ri nga si feme ri si na tshumelo ya Mudzimu. Ndi nga ndila ine ra ditika Ngae. Huno, naho zwo ralo, zwi todou ri vunda ra bva zwipida zwivhili arali ri tshi lingedza u ita, ri tshi tea u Mu itela tshiñwe tshithu. U ri humbelu u ita tshiñwe tshithu, u ya u vhona muñwe muthu, u ya u rabelela muñwe muthu, u ya u thusa muñwe muthu, zwi todou ri kombetshedza, u zwi ita. Fhedzi a ri todì u Mu itela tshumelo ya tshiñwe tshithu.

¹⁰¹ Mbilaelo Yawe yo vha i, “Vho Mpfuralela, Ipfi; huno vho tanganedza damu li re na mitwe, vhudzuloni halo. Tanganedzani... Vho Mpfuralela, Tshisima tsha Vhutshilo, Tshisima tsha Madi a Vhutshilo; huno vha tama nahone vha nga namba vha nwa kha damu li sa eleli.” Naa izwo ni nga zwi humbulela?

¹⁰² Naa ni nga humbulela muthu zwino, uri, *hafha* hu na tshidzivha tsho vhoriwaho tshi no khou bvisa ayo madi avhudzi, a tombo la galaga, heneffo kha mibil ya matombo, henengei phasi khà puloto dza muñavha, na zwiñwe-vho, hu tshi tou rothola nahone hu havhudzi nga hune hu nga vha ngaho; huno a nga namba a nwa a bvaho kha damu hangei, e a tanzwa nña ha dulu, na magushete, na zwifhato zwe zwa nnnda u mona na fhethu? Huno na a dzhenisa ngomu ha lila damu hangei, hune u bva ha madi ha elelela ngomu murahu, hu tshi bva kha dulu, zwitale na zwitolo, na tshiñwe na tshiñwe tshi tshi elelela heneffo murahu kha damu, huno zwenezwo ri todà u tanga-... a tshi do nwa a bvaho kha ilo a sa athu ya kha itsho tshidzivha tsho vhoriwaho? Hu do vha hu na tshiñwe tshithu tsho khakheaho muhumbuloni wa uyo muthu. Ndi zwone.

¹⁰³ Huno musi munna kana musadzi a tshi do andana na dinomineisheni, ine ya do tendela mavhudzi o fhungudzelwaho, u ambara dzishothi, zwidolodolo, lushaka ulu luñwe lwothe lwa zwithu, na luñwe lushaka luñuku lwa mbe—mbekanyamushumo,

na u bvela phanda uhu hothe, huno a kona u ya kha zwidila zwa u boula, na—na uvho vhuṭafuṭafu hoṭhe ngei nn̄da, nahone izwo a kona u zwi kondelela; huno izwo vha a zwi funa u fhira zwine vha ita Ipfi la Mudzimu la fesheni ya kale line la rema nahone la bwa, huno la ita vhasadzi uri vha vhe vhafumakadzi vha no difara, huno la vha dzhia nahone la vha ita uri vha ambare zwavhudi nahone vha ite zwi re zwone, la dzhia dzisigarete na mafola, na u ana na u semana, na u zwifha na u tswa, kule kha inwi, na shango ḥoṭhe kule kha inwi, huno la ni nea Tshiñwe tshithu tshine tsha vha pfusho yo fhelelaho. Mulandu munna kana musadzi a tshi ya kha tshithu tsho raloho u wana vhudigedi? Ni nga wana hani vhudigedi kha izwo?

¹⁰⁴ No vha ni tshi nga wana hani tshinwiwa tshiswa tshi bvaho kha damu li sa eleli? Ndi ngani muthu o vha a tshi ḥo... Arali muthu a tshi ya kha damu li sa eleli u wana tshinwiwa, ngeno hu na tshidzivha tsho vhoriwaho tsho vuleaho, ni ḥo ri, “Hu na tshiñwe tshithu tsho khakheaho kha ḥhalukanyo ya uyo munna.”

Huno arali musadzi kana munna a tshi ya fhethu ho raloho u wana vhudigedi, hu na tshiñwe tshithu tsho khakheaho muyani wa uyo muthu. A vha ḥodi Ipfi. Zwi sumba uri kudzulele kwavho ku kha di vha tshidzula, kana buluvhulu, kana tshiñwe tshithu, ndi zwone, tshiñwe tshithu tsha ukwo kudzulele tshi no funa iļo tivha li sa eleli, ngauri zwithu zwa ulwo lushaka zwi nga si tshire ngomu ha tivha la Mađi maswa. Zwi nga si zwi ite; ndi Mađi maswa. Zwi nga si zwi ite.

¹⁰⁵ Zwino, mbilaelo yo vha i, “Vho A ḥutshela.” Huno ḥamusi vho ita zwenezwo zwithihi.

Zwino sedzani musadzi kha tshidzivha. Ndi zwone, u da kha damu la Yakobo, huno o vha a tshi khou di wana mađi heneffo tshifhinga tshothe, kha damu la Yakobo. Fhedzi damu la Yakobo, dinomineisheni, ri ḥo li vhidza zwenezwo, ngauri o gwa vhuraru hao; huno iļi o li gwa. Zwino, o vha e na tshitori tshihulwane. O ri, “Zwino, khotsi ashu vho gwa itsi tshidzivha, Yakobo. O nwa khatsho, na kholomo dzawe dzo nwa khatsho, na tshiñwe na tshiñwe. Naa izwo a si zwavhudi lwo edanaho?”

¹⁰⁶ O ri, “Fhedzi mađi ane na a ka afho, ni farwa nga dora hafhu, ni tea u vhuya uri ni a wane. Fhedzi,” a ri, “Mađi ane Nda ni nea ndi Tshisima, ndi Gidza i no gubunyea zwi tshi bva ngomu, huno a ni di fhano u A wana. A heneffo na inwi.”

¹⁰⁷ Dzhielani nzhele. Fhedzi musi o wana uri Tshisima tsha Luñwalo tsho amba nae, nga tshiga tsha Luñwalo tshe a vha a tshi khou tshi ḥoda, o ḥutshela iyo sisteme ya dinomineisheni ya Yakobo nahone a si tsha vhuyeleta khayo na kathihi, ngauri o no wana Tombo la vhukuma. Ni a vhona? U gidimela mudini. O vha o no fhedza nga ha tshivhi. O vha a si tsha vha musadzi wa tshika. O ri, “Idani, vhonani Uyo we nda mu wana, Munna We

a mmbudza zwithu zwe nda ita. Naa Uyu a si ene-ene Kristo?" A... Ilō damu li nga di vha lo vha lo luga tshothe; lo vuledza ndivho yalo. Zwino o vha e kha Tshisima tsha ngoho. Damu lo vha lo luga u swika Tshisima tsha ngoho tsho no vulea. Fhedzi musi Tshisima tsha ngoho tshi tshi bvelela, damu la xelewanga nungo dzo. A wana uri hu na fhethu ha u nwa ha khwine.

¹⁰⁸ Huno hu na fhethu ha khwine. Hu na fhethu ha khwine, huno afho hu kha Kristo. Kha Yohane Mukhethwa 7:37 na 38, Yesu o amba, kha munyanya wa u fhedza wa dzithaberenakele, "Arali muthu muñwe na muñwe a tshi pfa ḫora, kha de kha Nne, huno a nwe."

Vhothe vho vha vha tshi khou pembela. Vho vha vhe na u gubunyea hułuku ha mađi a bvaho fhasi ha alı̄tari, huno—huno heneffo vhothe vho vha vha tshi khou nwa kha iyi, vhe kha vhutambo, ha mu—munyanya. Huno vha ri, "Vhokhotsi ashu vho nwa kha tombo la myua sogani." Ni a vhona, vho dibwela damu, mañwe mađi a sa eleli e vha a bommba fhasi a tshi bva huñwe, nahone a tshi gubunyea fhasi ha thembele heneffo. Huno vhothe vho vha vha tshi kuvhanganelo aya mađi huno vha a nwa, nahone vha ri, "Minwahani yo fhiraho, vhokhotsi ashu vho nwa sogani."

Yesu o ri, "Ndi nne ilō Tombo le la vha li sogani."

Ha pfi, "Ri la mana a bvaho Tađulu, huno Mudzimu o a nisa."

¹⁰⁹ A ri, "Ndi nne ayo Mana." Ene, itsho Tshisima, o vha o ima vhukati havho. Itsho Tshinnkwa tsha Vhutshilo tsho vha tsho ima vhukati havho.

Huno naho zwo ralo a vho ngo Tshi ḫoda. Vha nga namba vha vha na damu ḫavho; ngauri, muthu o ita ili, huno Mudzimu o rumela Itsho. Iyo ndi yone phambano kokotolo. Vho ḫigwela madamu!

¹¹⁰ O ri, "Arali muñwe muthu a tshi pfa ḫora, kha de kha Nne, huno a nwe." Ndi Ene itsho Tshisima.

Huno vhunga Luñwalo lwo amba, "Muvhilini wawe hu do elela milambo ya Mađi a tshilaho." Oo, ndi Ene itsho tshidzivha tsho vhoriwaho! "Muvhilini wawe, kana ngomu-ngomu hawe, hu do elela Mađi a tshilaho."

¹¹¹ Ndi Ene ilō Tombo le la vha li ngomu ha... Ilō lo vha li Tombo la Hagara, tshifhingani tsha khakhathi; musi lushie lwave lwo vha lu tsini na u lovha, musi o no bviselwa nnda ha gammiba, huno a vha e hangei nnda na Ishmaele mutuku. Mađi awe, ngomu ha damu le a vha e naļo, o vha o no fhela. Huno a ededza Ishmaele mułuku fhasi; huno a fhirela phanda, vhura ha thuntsha, huno a lila, nahone, oo, ngauri ho ngo ḫoda u vhona lushie lu tshi fa. Huno kathiki fhedzi, Muruñwa wa Murena a amba, huno a wana Beer-... Beersheba, tshi—tshidzivha heneffo tshe tsha vha tshi tshi khou elela, nahone tshi kha di elela u swika kha lino ḫuvha. Tsho vha tshi Beer-Beersheba tsha Hagara, Tombo hangei nnda sogani.

¹¹² Lo vha lo ima hafha ngomu ha Tshisima tsho dalaho Malofha, ilo duvha, lo ima ngei thembeleni. [Tshikhala kha theiphi—Mudz.] . . . tshifhinga tsha qumbu. Kha Sakaria ndima ya 13, O vha e itsho Tshisima tsho vuleaho nduni ya Dafita, u itela u tanzwiwa, nahone u itela (tshivhi) u tanzwiwa ha tshivhi. O vha e itsho Tshisima. Huno kha Dziphisalema 36:9, O vha e Tshisima tsha Vhutshilo tsha Dafita. U kha di vha itsho Tshisima nduni ya Dafita.

Huno Ene ndi wa muñwalazwirendo, mbiluni yawe henefho. Muñwalazwirendo o ri:

Hu na Tshisima tsho dalaho Malofha,
A bvaho kha tsinga dza Imanuele,
Musi vhaitazwivhi vha tshi mbwandamela
fhasi ha mudalo,
Xedza madondo avho othe a milandu.

Ndi Ene itsho Tshisima tsha Vhutshilo, Tshisima tsha Madi. Ndi Ene Ipfi la Mudzimu.

¹¹³ Vhathu vha aya maduvha a u fhedzisela vho Mu furalela, Ipfi la ngoho, Madi a Vhutshilo; huno vho dibwela madamu a dinomineisheni; huno, hafhu, vho bwa, vho gwa!

¹¹⁴ Huno zwino ri a wanulusa, vho vha vhe na madamu a re na mitwe. Huno zwenezwo ili damu lo dala zwitzhili zwi sa tendi, u dihudza hu sa tendi, mbekanyamushumo dza pfunzo, na zwiñe-vho, zwo fhambanaho na pfulufhedziso dza Mudzimu. Ndi vhadzia-u-timatima vha Ipfi.

¹¹⁵ Zwino, haya madamu e vha vha vhe nao, Bivhili yo ri, o vha "e na mitwe." Damu li re na mitwe ndi damu "li bvudaho," nahone li khou bvudisa nga ndila i ongolowaho. Li khou itani? Li khou bvuda nga ndila i ongolowaho kha tivha la tshika la vhurereli li no pfi Khoro ya Lifhasi ya Dzigereke. Huno afho ndi hune damu li re na mitwe la khou vha khadela hone, tshothe ngauri vho Mu furalela, huno vha na . . . Tshisima tsha Madi a tshilaho; huno vha ita haya madamu.

¹¹⁶ Vha tshi khou gwa sisteme khulu dza seminari dza u guda, pfunzo, na zwiñe-vho. Holwo ndi lushaka lwa madamu ane vha khou a gwa namusi, uri muthu u tea u vha na Ph.D., kana LL.D., kana Bachelor of Art, kana tshiñe-tshithu, a sa athu vhuya a ya u rera. Madamu o dadzwaho nga theolodzhi yo itwaho nga muthu. Vha a vha dzhia vha vha dzhenisa kha izwi zwikolo zwihiulu hulu zwa u guda, huno ngomu henefho vha vha thavhela theolodzhi yavho yo itwaho nga muthu, huno vha vha rumela nnđa nayo. Ndi duvha-de line ra khou tshila khalo, madamu o itwaho nga vhathe! Hu si na na khakhathi . . . A zwi mangadzi tshithu hetsho tsho no vha mu—munukho, yawee, nnenñe, ndi ngauri vhathe vha tshi nwa khatsho.

¹¹⁷ Huno musi vhathe vha tshi ḥoda dakalo namusi, vha itani? Vhathe, vhudzuloni ha u tanganedza dakalo la Murena, vha

rembulutshela kha tshivhi, u wana dakalo. Vhathu vhane vha ya tshivhidzoni nahone vha ima kha la uri vha vhalanda vha Kristo, musi vha tshi vha na mazhuluzhulu vhukuma vha do funga sigarete. Huno musi vha—musi vha tshi toda u—u dimvumvusa, vha ambara zwiambaro zwavho zwa vhuada huno vha bva nahone vha hada hatsi musi munna a tshi khou fhira, u vha ita uri vha vha lidzele khombole. Vha ita tshiniwe na tshiniwe uri vha takalelwé. Vha toda u vhonala sa vhatambi-makone vha filimu. Illo ndi dakalo lavho.

Ngeno, Yesu o ri, “Ndi Nne o eðanaho wavho.”

Tshi itisaho uri vha ye kha ilo, ndi ngauri a vha todi u nwa kha itsho Tshisima. Vho Tshi hana. A vha todi u nwa Khatsho. Vha vha mirado ya luñwe lushaka lwa sisteme yo itwaho nga muthu, luñwe lushaka lwa damu lo dalaho tshakha dzothe dza zwithu zwi sa eleli, uri vha kone u tshimbila nga u ralo.

¹¹⁸ Mulovha, ro vha ri na vhana n̄ha ha mulambo. Ndi tenda uri ho vha hu nga matsheloni a Mugivhela. Ro tsela phasi; Billy o vha a tshi khou rea khovhe e kha gungwa. Huno ra dzhia vhana, muñuhulu wanga muñuku wa mutukana na avho, nwananyana wanga, na murwa wanga muñuku, huno ra ya mulamboni u—u fara lwendo nga gungwa. No vha ni si nga vhuyi na fara lwendo mulamboni nga gungwa, nga n̄nhaní ha vhathu vho tshikafhalaho, vha tshika, vha si na vhuthu ngei nn̄da mulamboni, vha songo ambaraho vha thaphudza nahone vha tshi khou bvela phanda. Gungwa la fhira nga thungo hashu, tshivhalonyana tsha vha re na fumimbili-, vhatukana vha re na miñwaha ya fumiña, muñwe na muñwe e na tshikotikozi tsha halwa tshandani tshawe, na sigarete. Izwo vha zwi vhidza “u dimvumvusa.” Yawee, nñenne! Ili shango li nga vha hone u swika lini, na sisteme yo raloho?

¹¹⁹ Zwenezwo u ñivhofholola kha mihumbulo ya uri musi vha tshi lovha vha do ya vhuzzulavhafu, tshithu tshine vha ita, vha ya nahone vha vha mirado ya liñwe la aya madamu o itwaho nga muthu. Ngauralo ulwo lushaka lu fanaho lwa vhathu ndi lwa nga ngomu ha ilo damu. A si tshithu nga nn̄da ha tshikona tsha mabuluvhulu a songo kunaho, o tshikafhalaho a shango. Huno vha tshimbilelana na zwenezwo ngauri, sa mme anga vho aluwaho vha vha vha tshi anzela u ri, “Mañoni a fhufha mutanda muthihhi u kavha a a liana.” A vha nga di kha Tshisima huno vha tanzwiwa kha uvho vhutshilo ha tshivhi. Vha toda u tshila ngei nn̄da, huno vha di fara vhutanzi ha uri vha Vhakriste. Mulandu? Vho Mu furalela, ene Tshisima tsha ngoho tsha dakalo, Vhutshilo, Vhutshilo ho fhelelaho na pfusho. Izwo ndi ngazwo vho zwi ita, ngauri vha toda u vha mirado. Vha na lunwe lushaka lwa vhathu henengei lune lwa tenda kha izwo zwithu.

¹²⁰ A si kale-kale fhano, Mukomana Fred na nne, na Mukomana Tom, tshivhalonyana tsha vhorine tsho ya

kha tshivhidzo tshi ḋivheaho tsha Baphuthisi mudini wa Tucson, u vhona arali ro vha ri si nga koni u wana tshiñwe tshithu tshiñku tshe khamusi tsha vha tshi tshi ḋo ri nea vhudipfi vhuswa vhuñku. Huno mushumeli o amba tshiñwe tshithu-vho nga ha vhatu kha ja Egipita, musi vha tshi ṭuwa vho vha vha tshi khou ja khanakhana na zwiñwe-vho, vho toda u humela murahu hafhu huno vha ja zwenezwo. Ha pfi, “Itsho ndi tshiñwe tshithu tshi no nga vhatu vha ñamusi.”

Huno, riñe, muñwe na muñwe a ri, “Amene!” Na kathihi a thi athu vhona tshivhalonyana tsho raloho! Tshivhidzo tshothe tsha litsha u sedza mureri huno tsha sedza murahu u vhona uri ho vha hu nnyi we a ri “amene.” Zwo ḍodou vha shusha lu isaho lufuni. A vho ngo zwi ḋivha zwe ya vha i zwone.

Musi, Dafita o ri, “Itelani Murena phosho ya dakalo. Mu rendeni nga dziharipa! Mu rendeni nga tshihwana! Tshiñwe na tshiñwe tshi re na mufemo kha tshi rende Murena. Huno rendani Murena!” Mudzimu u a pembela e kha vhatu Vhawe. Vho funzeaho, kha vha ri, “Amene,” musi tshiñwe na tshiñwe tshi tshi ambiwa nga ndila yone.

¹²¹ Ndi ngani ni sa humi kha iyi sisteme na madamu a shango, na ya kha sisteme i fulufhedzeaho ya Mudzimu, ine ya vha tshidzivha tsho vhoriwaho, Yesu Kristo? Ndi ngani ni sa rembulutsheli Khae, hune Mudzimu a vha ndisedzo yo ḫalaho yashu ya dakalo, ndisedzo yo ḫalaho yashu kha dzithendo, ndisedzo yo ḫalaho yashu kha pfusho? U dzika ha vhuñaledzi hanga hu bva ha Mudzimu.

Musi ndo kherukana, ndi wana pfusho yanga kha Kristo, hu si kha sigarete, hu si kha zwithu zwa shango, hu si nga u vha murado wa inwe ndaela; fhedzi kha u Mu wana, Ipfi lo fulufhedziswaho le A ri, “Arali Ndi tshi ṭuwa, Ndi ḋo vhuya hafhu u ni ḫanganedza.” Ndi wana dakalo ḥanga kha hezwo. Ndi Ene Dakalo ḥanga.

¹²² Namusi vha ri, nga u vha murado wa izwi zwithu na nga u vhumba iyi Khoro ya Liphasi ya Dzigereke, vha khou yo ita fhethu ha u dzula ha khwine. U ya nga muhumbulo wanga wa vhukuma, vha khou yo ita fhethu ha khwine ha u ita ngomu tshivhi. Izwo i tou vha... Tshithu tshothe ndi tshivhi, naho zwo ralo; hu si u tshila ngomu, fhedzi u fela ngomu. U ita fhethu hatsho ha u ita tshivhi ngomu—ita tshivhi ngomu, vhudzuloni ha u tshila ngomu.

¹²³ Tshiñwe tshithu-vho, nn̄da ha Yesu Kristo na Ipfi Lawe ja Vhutshilo, ndi damu li re na mitwe. Tshiñwe na tshiñwe tshine tsha lingedza u dzhia vhudzulo Halō; tshiñwe na tshiñwe tshine na lingedza u ita u ni disela mulalo, tshiñwe na tshiñwe tshine na lingedza u ita u ni disela vhudigedi, lushaka luñwe na luñwe lwa dakalo lune na lu ḫanganedza lu tshi bva kha

tshiñwe na tshiñwe-vho, sa tshiñwe tshi dzhiaho vhudzulo ha Heli, ndi damu li re na mitwe lo ñalahlo tshika. U ñea pfusho yo fhelelaho.

¹²⁴ Ndi a elelwa fhano, zwilimo zwivhili zweo fhiraho, ndo bva nga vothi la nga murahu. Ho vha hu na tsilu liswa heneffo nnda le la amba na nñe, la ri, “Vha a ñivha, tshivhangi tsha urí tshifhinga tshothe vhone vha dzule vha tshi amba nga ha vhasadzi nga u ralo, vha tshi ambara idzo shothi na zwithu,” la ri, “ngauri vha mukalaha.” Ha pfi, “Ndi ngazwo zweo ralo.”

Nda ri, “Vhona hafha. U na miñwaha mingana?”

Ha pfi, “Fumbilisumbe.”

¹²⁵ Nda ri, “Musi ndi tshee na miñwaha minzhi ndi muñuku kha iwe, ndo rera zwenezwo zwithihi.”

Ndo wana Tshisima tsha pfusho. Ndi Ene mukovhe wanga. Amene! Musi A tshi khou di nea izwo, izwo ndi zwone lunako. Uvho ndi—uvho ndi hanga... Uvho ndi vhukonesi hanga, u Mu sedza, ndi tshi sedza tshanda Tshawe tshi tshi shuma nahone nda vhona zwine A khou ita. A hu na tshiñwe tshisima tshine nda tshi ñivha!

Oo, wavhuði ndi muelelo
U no ntshenisa sa mahada;
A hu na tshiñwe tshisima tshine nda ñivha,
A hu na ndi Malofha a Yesu.

Hu na Tshisima tsho ñalahlo Malofha,
A bvaho kha tsinga dla Imanuele,
Hune vhatazwivhi vha mbwandamela phasi
ha muñalo,
Xedza dondo ñavho loþhe ja milandu.

¹²⁶ Ndi khou ni vhudza, a hu na tshiñwe tshisima tshine nda tshi ñivha nga nnda ha itsyo Tshisima. Tsho ñanzwa musi ndo vha ndi na tshika. Tshi dzula tsho ñanzwa, ngauri ndi todou dzula heneffo Khatsho, ndi nwe aya Maði maswa a no ðadza myua wanga dakalo.

Ndi nga di vha phasi nga maanda, huno nda pfa ndi si nga koni u ya huñwe... u mona hafhu, ndi sa koni u ya huñwe fhethu-vho; zwenezwo ndi nga kona u gwadama phasi huno nda vhea munwe wanga kha pfulufhedziso, nahone nda ri, “Murena Mudzimu, Iwe u nungo dzanga. Iwe u tou vha pfusho yanga. Iwe u tou vha zwanga zwothe-kha-zwothe.” Ndi kona u thoma u pfa Tshiñwe tshithu tshi tshi bwobwoñela tshi tshi bva heneffo ngomu hanga. Ndi bva ngomu hatsho.

¹²⁷ Sa izwo ndo no fhira miñwaha ya fuñhanu, ndo vha ndi tshi vuwa nga matsheloni, ni a ñivha uri zwi hani, ni nga si kone u bvisa uyo mulenzhe muthihi mmbeten. Nñenñe, ni nga si kone u zwi ita; huno hu na muñwe muthu muñangoni, a tshi khou khokhonya, kana Billy a tshi mmbudza uri hu

na nyimele ya shishi, huñwe fhethu hune nda tea u ya. Huno ndi a elekanya, “Ndi nga zwi ita hani?” Ndi lingedza u bvisa mulenzhe muthihi.

Ndi a elekanya, “Iwe u tou vha Tshisima tsho ḫalaho nungo dzanga. Amene! Nungo dzanga na pfariso yanga zwi bva ha Murena. Iwe u tshidzivha tsho vhoriwaho tshanga! Iwe u tou vha vhuswa hanga! ‘Vhane vha lindela Murena vha do wana nungo ntswa; vha do fhufha nga dziphapha vhunga goni; vha do gidima, huno vha si nete; vha do tshimbila, huno vha si ḫoke.’ Murena Mudzimu, uyu ndi mushumo wanga, u ya. Ndo vhidzelwa fhethu ha mushumo.” Huno tshithu tsha u thoma ni a ḫivha, Tshiñwe tshithu tshi thoma u xaxadza ngomu hanga.

¹²⁸ Liñwe ḫuvha, kha fhethu huñku, ndo vha ndi na muñangano hangeno Topeka, Kansas; ho vha hu na mutukana, mureri muswa, muñwe wa vhatikedzi vhanga vha u thoma. Mukomana Roy, o dzulaho hafha, u a elelwa fhethu ha hone. Ngomu haho, ngomu fhethu huhulwane uhu heneffo, ho vha hu na mu—mu... Uyu mushumeli o do dzhena fhasi ha ḫanga kana fhethu, luvhondo lwa nga thungo lwa mu kwashekanyela fhasi ha holwo. Uyo muthu muñku o vha a tshi khou yo fa. Tshivhindi tshawe tsho vha tsho phamukana. Lumende lwawe lwo vha lwo bva vhudzuloni halwo. Thani dzo vha dzo mu wela.

¹²⁹ Nda dzula fhasi musi wa vhuragane, ndi tshi khou amba na mufumakadzi. Nda ri, “Mufumakadzi, ni a ḫivha, arali Yesu o vha e fhano, ni a ḫivha zwe A vha a tshi do ita?” Nda ri, “Musi o ntikedza, ‘Ndi tenda iło Ipfi,’ o vha a tshi khou tikedza Kristo.” Huno nda ri, “Uvhō ndi vhukwila ha diabolo.” Nda ri, “Arali Yesu o vha e fhano, O vha a tshi do ya a vhea zwanda Zwawe zwikhethwa khae. Uyo mutukana o vha a tshi do vha na mutakalo. A thi londi uri tshivhindi tshawe tsho phamukana. O vha a tshi do vha na mutakalo, ngauri Yesu o vha a tshi do dzhena heneffo a tshi ḫivha kokotolo Uyo We a vha e ene. O ḫivha mbidzo Yawe, Maiñwalo o vha e ngoho, a tshi khwañisedza ngomu Hawe uri O ḫivha Uyo We a vha e ene, nahone hu si... hu si na u timatima na luthihi. O vha a tshi do vhea zwanda Zwawe khae, huno a ri, ‘Murwa, ivha na mutakalo,’ a bva ḫeneffo.” Huno nda ri, “A hu na vhodiabolo vho edanaho vhudzulavhafu u vhulaha uyo mutukana, zwenezwo.” Nda ri, “U do vha na mutakalo.” Fhedzi nda ri, “Ni a vhabona, mufunwa, O vha e Yesu, zwanda zwikhethwa zwa Mudzimu.”

Nda ri, “Ndi muitazwivhi. Ndo bebwa nga mbebo ya vhudzekani. Khotsi anga na mme anga vhuvhili havho vho vha vhe vhaitazwivhi, huno nñe ndi tou vha tshithu tshi si tshavhuđi.”

Huno nda ri, “Fhedzi ni a ḫivha uri mini? Arali Murena o vha a tshi do nñe bono huno a nthumela henengei, zwenezwo

izwo zwe vha zwi tshi ḍo vha na phambano.” Nda ri, “Ndi ḍo tsa huno nda vhea zwanda zwanga khae, o vha a tshi ḍo bva kha uyo mmbete arali A nne a bono.”

¹³⁰ Zwenezwo nda thoma u elekanya, “Naho zwe ralo, arali ho vha hu bono, ho vha hu mini? Ho vha hu zwenezwo zwanda zwithihi zwa tshika khae, uh-huh, munna onoyo muthihi a tshi khou mu rabelela, zwanda zwenezwo zwithihi zwa tshika.”

Zwenezwo nda thoma u elekanya, “Ndi nne muimeli Wawe. Zwenezwo, Mudzimu ha mmboni. Ayo Malofha a uyo O lugaho a heneħħala nħha ha aliġari; a nnyitela mirabelo. Ndi Ene u edana hanga. Ndi Ene thabelo yanga. Ndi Ene Vhutshilo hanga.” Nda ri, “Tshithu fhedzi tshe tsha vha tshi tshi ḍo nnyita uri ndi vhee zwanda zwanga khae, nga lutendo, ndi ngauri ndo vha ndi na lutendo kha bono. Huno hu si na bono, lutendo lwonolwo luthihi lwo vha lu tshi ḍo ita zwenezwo zwithihi; ngauralo ndi nga si ɏidzhie sa a re tshithu, fhedzi ndi Mu dzhia sa zweħthe-kha-zweħthe wanga. Ndi Ene Vhutshilo hanga. Ndi Ene Khomishinari wanga. A hu na dinomineisheni ye ya nthuma; O nthuma. Haleluya! Ndi a ya Dzinani Lawe. Ndi ḍo vhea zwanda khae.” Nda tutshela henengei huno nda vhea zwanda kha uyo mutukana, huno uvho vhusiku o vha e muṭanganoni, e na mutakalo tħoħthe. Amene!

¹³¹ Oo, ee, ndi Ene itsho Tħisima. “A hu na tshiñwe tħisima tħshine nda tshi ċivha. A hu na ndi Malofha a Yesu fħedzi!” Ndi mudzia-u-nukha, ndi ċishandukwa, muñiwe na muñiwe washu o tou ralo, fħedzi phanđa ha Mudzimu ro fhelela. Ye-...; “Ivhani-ha vho fhelelaho, sa Khotxi anu ngei Tađulu o fhelela.” Ni nga vha hani? Ngauri Uyo o fhelelaho u a ri imela hangei. Itsho Tħisima tshi heneħfo duvha ċiñwe na ċiñwe, tshi tħiswa. Hu si tshiñwe tħithu tshi sa eleli, fħedzi tħiswa duvha ċiñwe na ċiñwe, tshi no ɻanzwa zwivhi zwanga zweħthe. Ndi Ene itsho Tħisima.

¹³² Zwino u valani, ndi nga di amba hezwi. Tshiñwe na tshiñwe tħo fħambanaho na Itshi ndi madamu a re na mitwe, huno mafħedziseloni a ḍo bvudisa zwine na zwi dženisa ngomu hao; arali ni tshi khou vhea mafulufhelo anu oħthe, tħifhinga tħanu tħoħthe, na tshiñwe na tshiñwe, kha ċiñwe la ayo madamu a sa eleli. Yesu o ri vho vha vhe madamu a re na mitwe. Mudzimu o ri, “A na mitwe, huno a ḍo bvudisa tshiñwe na tshiñwe tħshine na tshi dženisa ngomu hao.” Ni nga si kone u ya phanđa nao, ngauri a ḍo bvudha. Ngauri ndi Ene ndila fħedzi i yaho kha Ngoho, kha Vhutshilo, na kha dakalo Li Sa Fħeli, na mulalo U Sa Fħeli. Ndi Ene Uyo fħedzi nahone ndila fħedzi i yaho Khazwo. Yawee, nnenne!

¹³³ Tħisima tħa Vhutshilo tshi sa fheli ndi Yesu Kristo. Mulandu? Huno ndi Nnyi Uyo? Ipfi, lenelō ħiġi; Ipfi, Vhutshilo, Tħisima, “tshi sa shanduki mulovha, ɣamusi,

na lini na lini.” Mutendi wa ngoho, ndi Tshone dakalo ḥawe lihulwane, Vhutshilo hawe vhuhulwane. Huno pfusho yawe khulwane i kha Kristo. A hu na u bommba, a hu na u kokodza, a hu na u vha murado, a hu na u kapa; hu tou vha u tenda na u awela. Izwo ndi zwine A vha zwone kha vha tendaho.

¹³⁴ Vhunga khotsi Abrahamu; na kathihi ho ngo kokodza, na kathihi ho ngo sinyuwa, na kathihi ho ngo whilaela. O vha e na Ipfi. O shuvhama kha khana ya El Shaddai. Musi Abrahamu e na minwaha ya dana, Mudzimu o bvelela khae, huno a ri, “Ndi nne Ramaandothe” Ipfi la Tshiheberu ndi *El Shaddai*, li amba, “Uyo-a-re-na-Khana.” “Huno wo kalaha, nahone nungo dzau dzo ṭuwa, fhedzi itou shuvhama kha khana Yanga nahone u onge nungo dzau kha itshi Tshisima.” Amene! Naa o ḫiongela kha mini? Muvhili muswa. O do vha na lushie, nga Sarah. Huno, nga murahu ha minwaha ya fūthanu, a vha na vhana vha sumbe nga muñwe musadzi.

¹³⁵ Oo, El Shaddai! Testamente Ndala i sumbedza zwe A ita, Testamente Ntswa i anetshela zwine A do ita. Amene! Kha Testamente Ndala . . .

¹³⁶ Zwino muya a u tsha vhudzula, ngauralo ndi do ṭavhanya nahone nda ima hafha zwino, nga tshifhinganya fhedzi.

Ndi do takalela u amba hezwi musi ndi sa athu vala. Ndo vha ndi na tsumbo yavhuđi ya hezwi nga tshiñwe tshifhinga. Ndo vha ndi tshi khou linda. Huno vhathe vhanzhi fhano . . . Fhasi u mona na Georgetown, fhasi henengei Milltown, ho vha hu tshi anzela, u vha na tshisima, murahurahu mivhunduni. Tsho vha tshi tshidzivha tsho vhoriwaho. Tsho bvisela nn̄da ludambwana lu no ṭodou vha lwa ḥa—nayo nn̄a kana thanu lwa madi, e a tou gubunya tshifhinga tshothe, na tshisima tshihuluhulu u mona heneffo. Huno heneffo u mona natsho ho vha hu na zwimela zwinzhi zwa minthi hafha, ni a divha, na zwithu zwi no khou aluwa heneffo, zwi no nga minthi. Huno, oo, ndo vha ndi tshi anzela u sokou farwa nga dora la u ya heneffo, yawee, nñenñe, u swika kha itsho tshisima. Huno ndo vha ndi tshi shuvhama tsini ha itshi tshithu nahone nda tou nwa nda nwa, nahone nda dzula fhasi nda nwa, nda lindela.

Huno ñwaha nga ñwaha ndo di da kha itshi tshisima tshenetshi tshithihi. Na kathihi a tsho ngo guma, vhuriha kana tshilimo. A zwo ngo kona u tshi xwatudza. Ni nga si kone u xwatudza tshidzivha tsho vhoriwaho. Oo, hai! Oo, hai! A thi londi uri hu swika hune ha rothola hani—hani, a vhu khou yo tshi xwatudza hetsho. Ni do xwatudza damu; mahađa maťuku fhedzi a do ita hezwo. Ni a vhona?

Fhedzi tshiñwe na tshiñwe tshi no khou tshimbila, tshi na Vhutshilo ngomu hatsho, tshi khou tshimbila u mona hothe. Huno ni nga si xwatudze Tshidzivha tsho vhoriwaho. A hu

londwi uri maya wo tsikeledzwa hani u mona na afho fhethu, hetshi Tshidzivha tshi tshila tshifhinga tshothe. Tshilani kha itsho Tshidzivha.

¹³⁷ Huno ndo dzhiela nzhele heneffo, nda da tsini huno nda nwa khatsho, huno, yawee, nnenné, madí maswa fhedzi! Na kathihi no vha ni sa tei u vhila, “Ndi a mangala, arali nda swika heneffo, ndi a mangala arali tsha litsha u elela?” Tsho vha tshi tshi khou elela . . .

¹³⁸ Rabulasi wa kale o mmbudza, a ri, “Makhulu wanga vha munna vho nwa khatsho.” Nahone a ri, “Na kathihi a tsho ngo ngalangala kana ha si vhe na tshithu. Tshi kha di vha tshenetshiلا tshidzivha tshithihi, tshi no khou gubunyeela nnđa tsha elelela ngomu ha Blue River heneffo.”

¹³⁹ Nda elekanya, “Yawee, nnenné, fhethu havhudí-de kha madí nandi!” Ndo vha ndi tshi do bva ndilani tshikhala tshi no ḥodou vha maela, u ya afho fhethu, ngauri ho vha hu fhethu vhukuma ha u nwa hone. Oo, ayo madí o vha e avhudí hani! Yawee, nnenné!

Ndo vha—ndo vha ndi tshi do bva heneffo kha iyo phanga, Arizona zwino, ndi kha di elekanya nga hatsho, “Itsho tshidzivha tshi mangadzaho heneffo fhasi, arali ndo vha ndi tshi nga tou shuvhama kha hetsho!”

Vhunga Dafita o amba nga tshiñwe tshifhinga, “Oo, arali ndo vha ndi tshi nga kona u nwa hafhu luthihi kha itsho tshidzivha!” Arali o vha a tshi nga tou swika heneffo!

¹⁴⁰ Huno liñwe ḥuvha nda dzula fhasi, huno ndo vha ndi na tshithu tshiñuku tshi seisaho tsho bvelelaho kha nné. Huno nda ri, “Naa ndi tshini tshi no ita uri u takale nga maanda tshifhinga tshothe? Ndi tama ndo vha ndi tshi nga takala nga u ralo. Mulandu, na kathihi a thi athu u u vhona wo ḥungufhala, tshee nda vha ndi tshi khou di da fhano. A hu na na tshithu na tshithihi tshi tungufhadzaho nga ha iwe.” Nda ri, “U dzula wo ḥala dakalo. U khou fhufha na u bwobwoṭela na u bvela phanda. Vhuriha kana tshilimo, u rothola kana u fhisa, tshiñwe na tshiñwe tshi re tshone, u dzula wo ḥala dakalo. Naa ndi tshini tshi no u ita . . .? Mini, naa ndi tshini? Ngauri ndi nwa kha iwe?”

“Hai.”

Ndi ri, “Zwo luga, khamusi mivhuda i nwa kha iwe, huno u a zwi funa nga maanda.”

“Hai.”

Nda ri, “Zwo luga, naa ndi tshini tshi no u ita uri u bwobwoṭele nga u ralo? Naa ndi tshini tshi no u ita uri u takale nga maanda? Naa ndi tshini tshi no u ita uri u dzule wo ḥala dakalo?” Nda ri, “Naa ndi nga nthani ha uri—uri zwiñoni zwi nwa kha iwe?”

“Hai.”

“Ngauri ndi nwa kha iwe?”

“Hai.”

Nda ri, “Zwo luga, naa ndi tshini tshi no u ita uri u ḫale dakalo nga maāndā?”

¹⁴¹ Huno arali itsho tshidzivha tsho vha tshi tshi nga mphindula, tsho vha tshi tshi ḫo amba hezwi. “Mukomana Branham, a si ngauri u a nwa; ndi a zwi takalela hezwo, na ngauri ndi kona u nea zwiñoni. Ndi nea nnyi na nnyi ane a ḫoda u nwa. Tshithu fhedzi tshine wa tea u ita ndi u ḫa ngeno nahone wa nwa. Fhedzi, tshine tsha ntakadza, a si nne a no khou bwobwoṭela, ndi tshiñwe tshithu nga ngomu, tshi no khou ntsukumedza. Ndi tshiñwe tshithu tshi no khou bwobwoṭela nne.”

¹⁴² Huno zwo tou ralo na kha vhutshilo ho ḫalaho Muya. Vhunga Yesu o amba, O vha e kha... Ni a vhona, U ni nea zwidzivha zwa madi a elelaho kha Vhutshilo ha lini na lini, mugubunyeo u fhalalaho, ho vhoriwaho, hu no elela hu sa fhidzi. Arali vhañwe vha tshihidzo vha n̄tha kana phasi, inwi ni kha ḫi vha kha itsho Tshidzivha.

Ndi ngani no vha ni tshi ḫo dzhia sisteme ya kale ya dinomineisheni na damu, zwo ḫalaho dzinzulatshinya na tshiñwe na tshiñwe-vho, huno na nwa heneffo kha zwithu zwi sa eleli, ngeno ni tshi rambiwa kha Tshisima, Tshidzivha tsho vhoriwaho?

¹⁴³ Ndi elekanya nga ha n̄dila ye tsha tou sukumedza, huno tsha ya ngei na ngei, huno—huno tsha xaxadza, huno tsha sea, huno tsha takala, huno tsha fhufha, nahone tsha tamba. Hu tshi rothola, mvula i tshi na; hu tshi fhisa, ho oma, musi zwiñwe zwipiða zwa shango zwi tshi khou oma, tsho vha tshi tshi khou bwobwoṭela u tou fana na zwe tsha ita tshifhinga tshothe. Ngauri tsho vha tsho tsa phasi, tsho ḫoka midzi, tshi bva phasi-phasi matomboni.

¹⁴⁴ Oo, kha ndi tshile nga uyo Mugubunyeo! Dzhiani sisteme dzañu dzothe dzo itwaho nga muthu dzine na ḫoda, zwidzivha zwañu zwothe zwa kale zwi sa eleli, fhedzi kha ndi ḫe kha... kana madamu a sa eleli. Fhedzi, kha ndi ḫe kha itshi Tshisima, kha ndi ḫe heneffo hune A vha uri o tou ḫala. Ndi Ene dakalo langa. Ndi Ene Tshedza tshanga. Ndi Ene dzanga—ndi Ene Nungo dzanga. Ndi Ene Madjanga. Ndi Ene Vhutshilo hanga. Ndi Ene Mufhodzi wanga. Ndi Ene Mutshidzi wanga. Ndi Ene Khosi yanga. Tshiñwe na tshiñwe tshine nda tshi ḫoda tshi wanala Khae. Ndi ngani ndo vha ndi tshi ḫo ḫoda u ya kha tshiñwe tshithu-vho?

¹⁴⁵ Murathu, khaladzi, naa a ni nga ḫo ḫa kha itshi Tshisima madekwana a ḫamusi? Naa a ni nga ḫo ralo, arali hu uri

a ni athu vhuya na vha heneffo, naa a ni Tshi ḥanganedzi madekwana a ḥamusi musi ri tshi kotamisa zwifhaṭuwo zwashu?

¹⁴⁶ Madamu a re na mitwe, a no khou bvuda, a tshi khou bvudisa, shango li tshi khou bvudela ngomu hao, tshika i bvaho kha mađulu na ya maňwe mađuvha. Ndi ngani hu si itshi Tshidzivha, uri izwo zwithu a zwi koni u dzula ngomu, kha itshi Tshisima tshihulwane tsho dalaho Malofha, a bvaho kha tsinga dla Imanuele? Ndi ngani itsho ni sa tshi ḥanganedzi madekwana a ḥamusi? Mudzimu nga a ri thuse madekwana a ḥamusi, kha ili shango lo omaho, la dora. Vhunga muporofita o amba, “Ndi Ene Tombo shangoni lo netaho.” Ndi Ene itsho Tshisima. Naa a ni nga do da Khae madekwana a ḥamusi, mbiluni dzañu, musi ri tshi rabela?

¹⁴⁷ Khotsi wa ṭadulu a funwaho, a hu na tshiňwe Tshisima, vhunga muzika u tshi khou tamba, “A hu na tshiňwe tshisima tshire nda divha; a hu na ndi Malofha a Yesu.” Ndo bebelwa heneffo, ndo aluswa heneffo; ndi ṭodou tshila heneffo, huno nda fela heneffo, nahone nda vuwa hafhu heneffo, Vhuhoneni Hawe. Tshifhinga tshothe, Murena, kha ndi vhe Vhuhoneni Hawe, ngauri a hu na vhuňwe vhune nda vhu divha. A hu na ndaela, a hu na lufuno; a hu na lufuno ndi Kristo fhedzi, a hu na ndaela ndi Kristo fhedzi, a hu na bugu ndi Bivhili fhedzi, a hu na tshiňwe tshithu-vho, a hu na dakalo nnđa Hawe. Mu dzhie kha nñe, Oo Mudzimu, a thi londi uri ndo vha na shango zwingafhani, li—li do di vha lo fa, ndo vha ndi tshi do tendeleka zwanda zwanga zwi n̄ha ha ṭoho yanga. Mu dzhie kha nñe, ndi do vha ndo no ṭuwa, Murena. Fhedzi i ri A vhe ngomu hanga, zwenezwo Nyendavhusiku u takadza vhunga Shundunthule, zwenezwo a hu na fhethu hu fhisaho nahone a hu na fhethu ho omaho, na lufu lwoňe luňe a lu na gundo. I ri ri vhe Nae, Khotsi. Mu ḥekedze, nga vhuđalo, kha mutendi muňwe na muňwe fhano madekwana a ḥamusi, vhunga vho lindela lufherani ulu.

¹⁴⁸ Vhanzhi vhavho vha tea u reila nga thungo ya nđila madekwana a ḥamusi, vha tshi ya mahayani avho, huno izwi nga zwi vhe kuelekanye kwavho, “Ndi khou tshila kha itsho Tshisima. Ndi khou tshila heneffo, ndi tshi khou nwa maswa, awara nga awara.”

¹⁴⁹ Huno arali izwo vha songo zwi ḥanganedza, vha sa athu, kha vha Mu ḥanganedze zwino, uri vha kone u dzhia Tshisima. “Ndi do enda na iwe; Ndi do vha na inwi u swika vhufheloni ha shango.” Zwi tendele izwi zwithu, Khotsi.

¹⁵⁰ Huno zwino musi ro kotamisa zwifhaṭuwo zwashu, naa hu na muňwe ngomu hafha, madekwana a ḥamusi, kana ndi vhangana vha no do ri, “Murena, nnyise kha itsho Tshisima zwenezwino. Na kathihi a tho ngo da fhano u pfa fhedzi; ndi

da fhano u wanulusa Tshiñwe tshithu. Ndi da fhano u wana Iwe, Murena. Ndi na ḥoqea ya Iwe madekwana a ñamusi. Ida mbiluni yanga zwino. Naa u do zwi ita, Murena?" Mudzimu a ni fhaṭutshedze. Murena a fhaṭutshedze muñwe na muñwe.

¹⁵¹ Khotsi, Wo zwi vhona zwanda, na nthā na u mona na luvhondo, na kha dziñwe phera, nn̄da. Wo—Wo vha vhona, Khotsi. Ndi—ndi rabela uri U do nea tshiñwe na tshiñwe tshine vha ḥoda. Khamusi vho vha vha tshi khou nwa kha liñwe damu la kale, Murena, kha tshiñwe tshiawelo vhukati ha lwendo he muñwe munna a bwa damu, lo no tshikafhadzwa nga tshakha dzothe dza pfunzo dzisili, dici no khou landula Ipfi. Ndi a rabela, Mudzimu, uri madekwana a ñamusi vha do da kha Ene Uyo a re itsho Tshisima, itsho Tshisima tsha Vhutshilo. Zwi tendele, Khotsi. Ndi vha kumedzela kha Iwe zwino Dzinani la Yesu.

¹⁵² Huno Wo mmbudza, "Arali u tshi humbelia tshiñwe na tshiñwe nga Dzina Langa, tshi do itwa." Zwino, izwi ndo vha ndi si nga zwi humbeli, Murena, arali ndo vha ndi songo elekanya uri zwi do itwa. Ndo vha ndi tshi do vha—ndo vha ndi tshi do vha ndi tshi khou sokou zwi amba nga ndowelo ya misi. Fhedzi ndi a vha rabelela, nga vhufulufhedzei. Ndi a vha rabelela, ndi tshi tenda uri U do zwi tendela zwe Wa fulufhedzisa.

¹⁵³ Huno zwino ndi vha ḥuwisa kha iło damu madekwana a ñamusi. Ndi vha ḥuwisa fhethu he vha vha vha tshi khou nwa, hune vha vha uri a vho ngo fushea; kha itshi Tshisima. Ndi zwi ita Dzinani la Yesu Kristo.

¹⁵⁴ Ndi Vhau, Murena. I ri vha nwe kha Iwe, Mađi a tshilaho, Tshisima tsha Mađi a tshilaho. Dzinani la Yesu, ndi a zwi humbelia. Amene. Zwi tendele, Murena.

Oo, wavyudi ndi muelelo
U no ntshenisa sa mahađa;
A hu na tshiñwe tshisima tshine nda ñivha,
A hu na ndi Malofha a Yesu.

Ndi mini tshine tshi nga ḥanzwa tshivhi
tshanga?

A hu na ndi Malofha a Yesu;
Ndi mini tshine tshi nga nnyita a re na
mutakalo hafhu?
A hu na ndi Malofha a Yesu.

Oo Yesu, fhodza avha, Murena! Zwi tendele, Murena, nga Dzina la Yesu. Ndi a rabela, Mudzimu, uri U...?...Iwe u ñivha zwithu zwithe.

A hu na tshiñwe tshisima tshine nda ñivha,
Oo, a hu na ndi Malofha a...

¹⁵⁵ Zwi elekanyeni, a hu na tshiñwe tshisima tshine nda ñivha! A hu na tshiñwe-who tshine nda ñivha nga nnđa ha Ene. A thi tami u ñivha tshiñwe-who nga nnđa ha Ene. A hu na ndi Malofha a Yesu! Oo!

Oo, wavhuđi ndi muelelo
U no ntshenisa sa mahada;
A hu na tshiñwe tshisima tshine nda ñivha,
Oo, a hu na ndi Malofha a Yesu.

¹⁵⁶ Musi ulwo ri tshi lu imba hafhu, kha ri khađane. Naa ni a funana? Naa hu na muthu ngomu hafha a lwaho na muñwe muthu-who malugana na tshinwe? Arali tshi hone, iyani ni a tshi lugise. Naa ni do ralo? Ri songo ḥuwa fhano ro ralo. Ni a vhona? Arali ni na mafhongo na muñwe muthu, iyani ni a lugise, zwino. Zwino ndi tshifhinga tshanu tsha u ya, na ri, “Mukomana, khaladzi, ndo amba tshiñwe tshithu nga ha inwi, ndo elekanya tshiñwe tshithu. Ndo vha ndi sa khou ḥoda u ita hezwo. Mpfareleni.” Ni a vhona, iyo ndi ndila ya u zwi ita. Kha ri vhe na Tshisima henefha vhukati hashu, tshifhinga tshothe. Ni a vhona?

A hu na tshiñwe tshisima tshine nda ñivha,
A hu na ndi Malofha a Yesu.

Oo, wavhuđi ndi muelelo
U no ntshenisa sa mahada;
Oo, a hu na tshiñwe tshisima tshine nda
ñivha,
A hu na ndi Malofha a Yesu.

¹⁵⁷ Oo, naa Ha mangadzi? A hu na tshiñwe tshisima! A ri nga ñitshikafhadzi nga zwiñwe zwithu. Ro khaukana, ro sia shango murahu. A ri tsha ḥoda khanakhana dza Egipita na madamu a re na mitwe. Ri kha lwendo na Murena Yesu, ilo Tombo lo rwiwaho, amene, ri tshi khou la Mana a bvaho N̄tha, huno ri tshi khou nwa; ri tshi khou la Zwiliwa zwa vharuña, nahone ri tshi khou nwa kha Tombo. Amene!

A hu na tshiñwe tshisima tshine nda ñivha,
A hu na ndi Malofha a Yesu.

Zwino kha ri kotamise zwifhađuwo zwashu.

¹⁵⁸ Ndi tshi khou rabela uri Mudzimu u do fhađutshedza nga maanda muñwe na muñwe wañu, uri tshilidzi Tshawe na khathutshelo zwi vhe na inwi vhege i ḥaho yothe. Huno arali tshiñwe tshi tshi tea u bvelela, tsha uri muñwe wañu a nga fhiruludza a vha nga ngei ha lupila zwino, itonu elelwa uri hu tou vha awara dzi si gathi dza khofhe na vhuawelo u swika ri tshi ḥangana. Elelwani, uri, “Avho vha tshilahoh nahone vho sala a vha nga rangeli avho vho edelaho, ngauri Lufhalafhala lwa Mudzimu, iyo Porompiṭa ya u fhedza...” Ya vhurathi i kha di bvou lila. Huno iyo Porompiṭa ya u fhedza, vhunga

Pfundu ḥa u fhedza, i ḫo vha U ḫa ha Murena. “I ḫo lila, huno vhabu vha re kha Kristo vha ḫo vuwa u thoma.” Vha khou tou awela u swika itshe tshifhinga.

¹⁵⁹ Huno arali zwa itea na vhaisala, elelwani:

Dzhiani Dzina ḥa Yesu,
Sa tshiṭangu kha tshikwekwe tshiñwe na
tshiñwe;
Huno musi milingo i tshi ni kuvhanganelo,
Itonu fema ilo Dzina likhethwa nga thabelo.
(Vho-diabolo vha ḫo shavha.)

¹⁶⁰ Itonu elelwa, ri fulufhela u ṭangana na inwi fhano Swondaha i tevhelaho nga matsheloni. Disani vhalwadze na vha thupheaho. Ndi ḫo vha ndi tshi khou ni rabelela. Inwi ni nthabelele zwino. Naa ni ḫo zwi ita? I ri ni, “Amene.” [Tshihidzo tshi ri, “Amene.”—Mudz.] Ndi ḫo ni rabelela, uri Mudzimu a fhaṭutshedze.

...Dzina nga thabelo.

Dzina ḥavhuđi, Dzina ḥavhuđi, Oo li ḫifha
hani!
Fulufhelo ḥa lifhasi na dakalo ḥa Tađulu;
Dzina ḥavhuđi, Oo li ḫifha hani!
Fulufhelo ḥa lifhasi na dakalo ḥa Tađulu.

Kha Dzina ḥa Yesu ro kotama,
Ri tshi gwadama milenzheni Yawe,
Khosi ya dzikhosi Tađulu ri ḫo I ambadza
khare,
Musi lwendo lwashu lwo swika magumoni.

Dzina ḥavhuđi, Dzina ḥavhuđi, (naa a li ḫifhi
na u vha ḥavhuđi?)
Fulufhelo ḥa lifhasi na dakalo ḥa Tađulu;
Dzina ḥavhuđi, Dzina ḥavhuđi, Oo li ḫifha
hani!
Fulufhelo ḥa lifhasi na dakalo ḥa Tađulu.

¹⁶¹ Tshifhinga tshoṭhe zwi a konđa nga maanda u ni ḫutshela. Naho ndi tshi di vha uri ni khou swa, fhedzi hu tou vha na tshiñwe tshithu nga ha... Kha ri, inwe ndimana nthihi ya tshiñwe tshithu, naa ni ḫo zwi ita? [Tshihidzo tshi ri, “Amene.”—Mudz.] Naa ni ḫo zwi ita? *Mashudu Tshivhofhekanyi Tshi Vhofhekanyaho*, khaladzi. Ndi vhangana vha no ḫivha ulwo luimbo lwa kale? Ro vha ri tshi anzela u lu imba, miñwaha yo fhiraho.

¹⁶² Huno ndo vha ndi tshi khou elekanya, madekwana a ḫamusi, “zwanda zwivhili, kha vha madana, vho salaho,” musi ro vha ri tshi anzela u imba ulwo luimbo u mona na thaberanakele, huno ra farana nga zwanda. *Mashudu Tshivhofhekanyi Tshi Vhofhekanyaho*. Ndo swiṭa vhunzhi

havho, u swika henefha n̄ha zwaloni. Vho lindela. Ndi do vha vhona hafhu. Ndi a vha vhona, luthihi nga tshifhinganyana, kha bono, musi ndi tshi sedza nda fhiruludza nga hangei ha lupila. Vha henengei.

Kha ri kotamise zwifhātuwo zwashu zwino ri tshi imba.

Mashudu tshivhofhekanyi tshi

vhofhekanyaho

Mbilu dzashu nga lufuno lwa Tshikriste;

Vhūtama . . .

Vhū nga uvho ha N̄tha

Musi ri . . .

Zwino swikelelani huno ni fare tshan̄a tsha muñwe muthu.

. . . fhambana,

Zwino kotamisani tshifhātuwo tshañu.

Zwi ri nea vhūtungu ha nga ngomu;

Fhedzi ri kha dī do vha vhathihhi mbiluni,

Nahone ri fulufhela u ḥangana hafhu.

¹⁶³ Zwifhātuwo zwashu two kotama. Ndi isa tshumelo kha mufunzi zwino, huno ra balangana nga . . .



MADAMU A RE NA MITWE TSV64-0726E

(Broken Cisterns)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Fulwana 26, 1964, Thabereneakeñen ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifhadzwa nga Tshiisimane. Heyi ḥthalutshedzo ya Tshiven̄a yo gandiswa huno ya phaðaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org